

公

羊

義

疏

皇清經解續編卷千百八十九

南菁書院

公羊義疏一

句容陳立卓人著

隱元年正月

春秋公羊經傳解詁隱公第一何休學疏

阮氏元公羊校勘記

監毛本改此低一格并舊疏云按舊題云春秋隱公經傳解詁第一公羊何氏則云春秋者一部之總名隱公者魯侯之諡號經傳雜繹之稱解詁者何所自目第一者無先之辭公羊者傳之別名何氏者邵公之姓也今定本則升公羊字在經傳上退隱公字在解詁之下未知自誰始也臧氏琳經義雜記云詩正義毛詩國風云詩者一部之大名國風者十五國之總稱不冠於周南之上而退在下者按鄭注三禮周易中候尚書皆大名在下孔安國馬季長盧植王肅之徒其所注莫不皆然然則本題自然非注者移之定本亦然當以皆在第一足得總攝故也班固之作漢書陳壽之撰國志亦大名在下蓋取法於經典也按周禮注疏天官冢宰第一下有周禮二字在鄭氏注之上儀禮注疏亦然賈公彥云儀禮者一部之大名士冠者當篇之小號退大名在下者取配注之義故也孔氏禮記正義云禮記者一部之大名曲禮者當篇

之小目既題曲禮於上故著禮記於下以配注耳此鄭注三
禮大題在下之證其周易尚書雖亡据三禮可類推也公羊
解云舊題云春秋隱公經傳解詁第一公羊何氏則公羊傳
亦本隱公小題在上公羊大題在下定本誤改故唐人多從
之春秋正義引服虔注題云隱公左氏傳解詁第一左氏傳
三字亦當退下漢人必不改舊例蓋亦後人升之耳孔安國
書傳雖出於魏晉据詩正義知猶取法於漢儒故尚書音義
載堯典第一於上虞書於下正義則加古文尚書四字於堯
典上蓋承二劉之舊也杜注左傳題云春秋經傳集解隱公
第一此非特以大題加小題之上且以己所題集解之名亦
加於小題之上矣故范注穀梁傳題云春秋穀梁傳隱公第
一王弼周易注題云周易上經乾傳第一並與杜氏同也魏
晉之儒如何晏論語郭璞爾雅釋文本皆小題在上尚依漢
儒之舊小題所以在上者以當篇之記號欲其顯也大題所
以在下者總攝全書之意也五經並然或見毛詩國風在周
南關雎詁訓傳之下使云小毛公加毛詩二字又云河間獻
王所加非也賈孔並云在下以配注亦非按宋嚴州本儀禮
亦題士冠禮第一儀禮鄭氏注與開成石經同則猶有古本
之遺也今以阮氏所刻十行本爲本故仍循其舊舊疏又云
何休學今按博物志曰何休注公羊云何休學有不解者或
答曰休謙詞受學於師乃宣此義不出於己此言爲允是其
義也校勘記臧禮堂曰何氏題何休學非也杜預解左傳止

題杜氏趙氏孟子章句止題趙氏古人謙遜不欲自表其名但著氏族俾可識別耳按唐石經桓公第二何休學原刻作何氏後磨改作何休據疏引博物志則晉時本已稱何休學矣閻監毛本何休學三字在此題下此本移於疏後非也元板同按廣雅釋詁學識也御覽引論語識云學者識也蓋謂有所得則識之釋文學者言爲此經之學卽注述之意也蓋魏晉間本有稱何休學或何氏當時不敢自稱注述謙言學耳然漢世均不表名如鄭氏三禮毛詩止題鄭氏則應題何氏學矣而本傳云作公羊解詁則解詁是其書之正名故今題解詁云拾遺記何休木訥多智三墳五典陰陽算術河洛讖緯及遠年古諺歷代圖籍莫不成誦也門徒有問者則爲注記而口不能說作左氏齊魯公羊墨守穀梁廢疾謂之三闕言理幽微非知機藏德不可通焉今按春秋者三統麻云春爲陽中萬物以生秋爲陰中萬物以成舊疏引賈服依此以解春秋之義何氏與賈服不異亦以爲欲使人君動作不失中也又引春秋說云哀十四年西狩獲麟作春秋九月書成以云舊云春秋說云哀十四年西狩獲麟作春秋九月書成以其書春作秋成故云春秋也者非也何者莊七年傳不修春秋曰何注不修春秋謂史記也古者謂史記爲春秋則孔子未修之時已名春秋何言孔子修之春作秋成乃名春秋乎按左傳昭二年韓宣子聘魯見易象與春秋又墨子明鬼篇著在周之春秋著在燕之春秋著在齊之春秋又云古者聖

王必以鬼神爲其務鬼神厚矣又恐後世子孫不能知也故
書之竹帛傳遺後世子孫竹帛蓋卽春秋言古者聖王則不
必孔子乃名春秋矣隱公者魯世家名息姑伯禽七世孫惠
公弗皇子平王四十九年卽位周書諡法解云隱拂不成曰
隱春秋託始於隱故以隱公爲首經傳者白虎通五經篇五
經何謂易尙書詩禮春秋也又云經者常也定元年注傳謂
訓詁漢書古今人表注傳謂解說經義者也解詁者釋文云
佳買反下音古訓也按賈逵注左傳國語名解詁也公羊者
傳者姓氏舊疏引說題詞云傳我書者公羊高也公羊高子
夏弟子五傳而著竹帛弟子不敢斥言師名故以氏傳也第
一者第次也舊以一公爲一卷閔公附於莊公之末齊氏召
南注疏考證云按隋志漢諫議大夫何休撰公羊解詁十一
卷而唐志作十三卷以陸氏釋文證之則本十二卷隋志作
十一卷唐志作十三卷皆筆盡之誤耳但今注疏本作二十
八卷不知分自何人按閔公末注云繫閔公篇于莊公下者
子未三年無改於父之道傳曰局爲於其封內三年稱子緣
孝子之心則三年不忍當也則何氏自十一卷也當以隋志
爲正錢氏大昕答問云問漢志春秋古經十二篇注無明文
經十二卷下注云公羊穀梁二家而古經十二篇注無明文
所謂古經者何經也曰按劉歆移太常博士書稱春秋左氏
邱明所傳皆古文舊書許慎說文序云孔子書六經左氏邱
明述春秋傳皆以古文江式云北平侯張蒼獻春秋左氏傳

書體與孔氏相類卽前代之古文然則志所稱者左氏經也
鄭司農周禮注云古文春秋經公卽位焉公卽立先鄭傳左
氏其所稱古文經亦必左氏之經也按兩漢經師以春秋左
氏詩毛氏禮周禮均稱古文則漢志所稱古經十二卷爲左
氏無疑公穀爲今文故止稱經然公羊實止十一卷宋本猶
然則十二卷或涉上古經篇目而誤又按公羊舊疏不知何
人所著洪氏顧煊讀書叢錄云公羊疏不著撰人名氏或云
徐彥不知何時人宋董道謂常在貞元長慶之後顧煊按疏
中引兩雅孫炎注郭璞書序長義孝經疏之類皆唐以前本
疏司空掾云若今之三府掾三府掾亦六朝時有之至唐以
後則無此稱矣此疏爲梁齊間舊帙無疑校勘記序云徐彥
疏唐志不載崇文總目始著錄亦無撰人名氏宋董道云世
專余彥所作其時代里居不可得而詳矣王鳴盛云卽北史
之徐遵明不爲無見也蓋其文氣似六朝人不似唐人所爲
者郭齊讀書志書錄解題並作三十卷世所傳本乃止二十
八卷其參差之由亦無由考也姚氏範援鵠堂筆記隋唐間
不聞有三府掾亦無三府之稱意者在北齊蕭梁之前乎此
疏有解有問答隋志有解于照春秋公羊解序一卷未知何
時人又云梁有孔衍公羊集解十四卷按孔衍傳不言解公
羊又云梁有公羊傳問九卷荀爽問魏安平太守徐欽答又
晉車騎將軍庾翼問王愨期答其書在隋並亡而唐志有之
今疏中有問答未知爲徐爲王然此疏不類魏晉間人語又

內家語家語出於王肅疑非欽所得引蓋此爲王愆期語
按詞答語甚精贍必非隋唐人作或卽舊疏人所述與又公
羊傳文初不與經連綴漢志各自爲卷孔穎達詩正義云漢
初爲傳訓者皆與經別故蔡邕石經公羊殘碑無經解詁亦
但釋傳也分經附傳大抵漢後人爲之開成石經始取而刻
石焉杜預左傳序云分經之年與傳之年相附是杜氏前左
氏亦經傳各別也按公羊家舊有三科九旨舊疏問曰春秋
說云春秋設三科九旨其義如何答曰何氏之意以爲三科
九旨正是一物若總言之謂之三科科者段也析而言之謂
之九旨旨者新意也故何氏作文論例云三科九旨者新周故
宋以春秋當新王此一科三旨也又云所見異詞所聞異詞
所傳聞異詞二科六旨也又內其國而外諸夏內諸夏而外
四夷是三科九旨也問曰宋氏之注春秋說三科者一曰張
三世二曰存三統三曰風外內是三科也九旨者一曰時二
曰月三曰日四曰王五曰天六曰天子七曰譏八曰貶九
曰絕時與日月詳略之旨也王與天正天子是錄遠近親疏
之旨也譏與貶絕則輕重之旨也舊疏引文論例又云此春
秋五始三科九旨七等六輔二類之義以矯枉撥亂爲受命
品道之端正德之紀也又云五始者元年春王正月公卽位
是也七等者州國氏人名字子是也六輔者公輔天子卿輔
公大夫輔卿士輔大夫京師輔君諸夏輔京師是也二類者
人事與災異是也又引春秋說春秋書有七缺惠公妃匹不

上隱桓之禍生是為夫之道缺文姜淫而害夫為婦之道缺
大夫無罪而致戮為君之道缺臣而害上為臣之道缺僖五
年晉侯殺世子申生襄二十六年宋公殺其世子痤殘虐枉
殺其子為父之道缺文元年楚世子商臣弑其君髮襄三十
年蔡世子般弑其君固是為子之道缺桓八年正月己卯烝
桓十四年八月乙亥嘗僖三十一年夏四月卜郊不從乃
免牲酒三望郊祀不修周公之禮缺是為七缺春秋緯多與
公羊說比附故鄭氏謂孔子所欲改先王之法陰書于韋藏
之以備後世公羊由子夏口授傳之孔子故聖人改周受命
之制惟公羊得其傳焉後世惟說三科九旨有異孔氏廣森
著公羊通義遺何氏而雜用宋氏其說云春秋之為書也上
本天道中用王法而下理人情不奉天道王法不正不合人
情王法不行天道者一日時二日月三曰日王法者一日議
二曰貶三曰絕人情者一日尊二曰親三曰賢此三科九旨
既布而一裁以內外之異例遠近
之異辭錯綜酌劑相須成體是也

元年春王正月疏錢氏大昕叢新錄云春秋正義於十二公之

此必舊儒相承之舊文非孔冲遠所能及也如隱元年歲在
豕韋太歲當在甲寅今日己未桓元年歲在元枵太歲當在
乙丑今日庚午莊元年歲在鶉火太歲當在甲寅歲星應在豕

案莊公即位三十二年以常率計之當在甲寅歲星應在豕

章而春秋正義云閏公元年歲在大梁依三統術莊二十三
年人歲星數正在超辰之限太歲超乙巳人丙午歲星亦超
實沈入鵠首矣算至莊末歲星已至降婁則閏公初年正在
大梁也此非精於算術者不能知孔氏於三統元起丙子之
故全然未曉轉信虞恭諸人說以庚戌爲上元詩疏所引之
三統術率與本術不合安能精思及此又閏元年歲在大梁
太歲當在丙辰今日庚申僖元年歲在鶉首太歲當在戊午
今日壬戌文元年歲在降婁太歲當在辛卯今日乙未宜元
年歲在壽星太歲當在己酉今日癸丑成元年歲在降婁太
歲當在丁卯今日辛未襄元年歲在丙辰今日庚申昭十五
日己丑昭元年歲在大梁太歲當在丙辰今日庚申昭十五
年距莊公二十三年百四十四歲又值超辰之限歲星超鵠
首入鵠火太歲超庚午入辛未服子慎所謂有事于武宮之
歲龍度天門是也自此年歲在鶉火算至三十二年正在星
紀故有越得歲而吳伐之之占又定元年歲在元枵太歲當
在己丑今日壬辰哀元年歲在大梁太歲當在甲辰今日丁
未春秋二百四十二年太歲干支與今人所推不同前後亦
分三段自莊二十三年以前相差五辰如懿元年本甲辰而
今人以爲己未是也昭十五年以前相差四辰如襄二十一
年本乙巳而今人以爲己酉是也昭十五年以後相差三辰
如哀十六年本己未而今人以爲壬戌是也按春秋緯言孔
子爲春秋退而修股歷是春秋實用股歷股術起甲寅元以

三統術校之周公六年入弟七部戊午至春秋隱元年爲癸酉部之十年癸酉部首歲爲庚戌則其十年爲己未後漢志載馬光陳晃上言麻元不正宜改甲寅元而其說積年以爲開闢至獲麟二百七十五萬九千八百八十六歲則獲麟之歲值十五部庚午之二十二年庚午首歲爲戊戌則二十二年爲己未隱元年當爲戊午與三統所載殷麻差一歲耳何氏又以黃帝術辛卯爲元元歲既差部法亦異其注襄二十一年爲歲在己卯循以上考下求則隱元年爲己丑哀十四年爲庚寅矣或疑己卯爲己酉之形近而譌史記三代世表云孔子因史文次春秋紀元年正時日月蓋其詳哉至於序尚書則略無年月或頗有然多闕不可錄故疑則傳疑蓋其慎也今取殷麻以爲部分年紀取四分日法閏法以排纂日月就經文所錄月朔日辰攷之其有不合則蓋闕焉

元年者何注

諸据疑問所不知故曰者何

疏

校勘記云宋余仁仲本同闕本

監本毛本元上增傳字非通書並同左傳經傳首皆有經傳字係杜氏所增杜氏分經繫傳故綴經傳以別之孔疏云公羊穀梁二傳年上皆無經傳字可證○注諸据至者何○通義云按春秋本公羊子曰受說於子夏以傳其子平平傳地地傳敢敢傳壽凡五世至漢景帝時乃與齊人胡毋子都著於竹帛以先師口相授受解釋其義故傳皆爲弟子疑問之

詞諸疑或直問所不知即曰者何曰孰謂或据彼難此則如
曷爲何以其言某何此何以書之等何氏各於當文目其所
据焉段氏王裁經韻樓集云喪服疏傳曰者不知誰作皆云
孔子弟子卜商所爲按公羊高是子夏弟子公羊傳有云者
何何以曷謂孰謂之等今此傳亦云者何何以孰謂曷爲弟
子卻本先師此傳得爲子夏所作也廣雅序引春秋元命包
言子夏問夫子作春秋不以初哉首基爲始何是當作春秋
時弟子見以元爲始已疑不能明矣舊疏云諸据有疑理而
問所不知者曰者何信五年秋鄭伯逃歸不盟之下傳云不
盟者何注据上言諸侯鄭伯在其中弟子疑故執不知問成
十五年仲嬰齊卒之下傳云仲嬰齊者何注云疑仲遂後故
問之是也若据彼難此即或言曷爲或言曷以或單言何即
下傳云曷爲先言王而後言正月注据下秋七月天王先言
月而後言王公何以不言即位注云据文公言即位也何成
乎公之意注据刺欲救紀而後不能是也而舊解云案春秋
上下但言曷爲與何皆有所据故何氏云諸据疑者皆無所
据故云問所不知故曰者何也者按注明云諸据疑君之始
則明有所据矣特疑而未知故有待於問也舊解非君之始
年也注以常錄卽位知君之始年君魯侯隱公也年者十二
月之總號春秋書十二月稱年是也變一爲元元者氣也無

形以起有形以分造起天地天地之始也故上無所繫而使
春繫之也不言公言君之始年者王者諸侯皆稱君所以通
其義於王者惟王者然後改元立號春秋託新王受命於魯

故因以錄卽位明王者常繼天奉元養成萬物疏爾雅釋詁云元始也

本此文選注引元命包云元年者何元宜爲一謂之元何君
之始年也○注以常至始年○舊疏云正以桓文宣成襄昭
及哀皆云元年春王正月公卽位故曰以常錄卽位知君之
始年按定書卽位雖非正月公亦在元年○注君魯侯隱公○
史記魯世家云惠公卒長庶子息攝當國行君事是爲隱公
舊疏引春秋說云周五等爵法五精公之言公公正無私侯
之言候候逆順兼伺候王命按周制公九命侯伯七命子男
五命臣子於其國內皆稱公故侯者魯之正爵公者臣子之
私尊故云魯侯隱公也○注年者至是也○爾雅釋天云周
曰年按彼云夏日歲商曰祀春秋改周之文仍据周言年者
年祀之稱無繫於改制也北堂書鈔引元命包云冬至百八
十日春夏成夏至百八十日秋冬成合三百六十日歲數舉
注舉猶備也是爲十二月總號也春秋書十二月卽下書十
有二月之屬是也說文總聚束也俗作摠校勘記謂毛本摠

改總爲非蓋誤○注變一至始也○此明下有二年三年此
不稱一年之意舊疏引春秋說云元者端也氣泉注云元爲
氣之始如水之有泉泉流之源又云無形以起有形以分
之不見聽之不聞宋氏云無形以起在天成象有形以分
地成形也意謂天地皆一元故曰天地之始也劉氏逢祿解
詰箋云易上象大哉乾元萬物資始予夏傳元者始也左氏
云元者大也董子云春秋謂一爲元者示大始而欲正本也
漢志曰太極元氣函三爲一三者一卽乾元也三才之
道皆統於天謂之元以爲道生天地者氏之說也繁露玉英
云謂一元者大始也知元年志者大人之所重小人之所輕
是故治國之端其在正名名之正典五世五傳之外美惡乃
形可謂得其真矣又王道云春秋何貴乎元而言之元者始
也言本正也道王道也王者人之始也王正則元氣和順風
雨時景星見黃龍下王不正則上變天賊氣并見五帝三皇
之治天下不敢有君民之心什一而稅教以愛使以忠敬長
老親親而尊尊不奪民時使民不過歲三日民家給人足無
怨望忿怒之患強弱之難無讒賊妬嫉之人民修德而美好
被髮銜哺而游不慕富貴恥惡不犯父不哭子兄不哭弟毒
蟲不螫猛獸不搏抵蟲不觸故天爲之下甘露朱草生禮泉
出風雨時嘉禾興鳳凰麒麟遊於郊園空虛畫衣裳而民
不犯四夷傳譯而朝民情至朴而不文郊天祀地扶山川以
時至封於泰山禪於梁甫立明堂宗祀先帝以祖配天天下

諸侯各以其職來祭貢土地所有先以入宗廟端冕盛服而後見先德恩之報奉元之應也又重政云唯聖人能屬萬物於一而繫之元也終不及本所從來不能遂其功是以春秋變一謂之元元猶原也其義以隨天地終始也漢書董仲舒傳臣謹按春秋謂一元之義一者萬物之所從始也元者辭之所謂大也謂一爲元者視大始而欲正本也春秋深探其本而反自貴者始王氏念孫讀書雜誌云漢書此傳大當爲本下文視大始而欲正本也視大始承上始字言欲正本承上本字言也正以元爲天地之始故以本言之也又孝武紀正作元者辭之所謂本也故元命苞曰孔子曰某作春秋始于元終于麟王道成也注故上至繫之也舊疏引春秋說云王不上奉天文以立號則道術無原故先陳春後言王天不深正其元則不能成其化故先起元然後陳春矣是以推元在春上而使春繫之義也○注不言至王者○此解傳不言公之始年義也爾雅釋詁云林烝天帝皇王后辟公侯君也是皇王公侯皆有君稱故言君則包有王者在內所以通其義於王者也故儀禮喪服云君注天子諸侯及卿大夫有地者皆稱君也今魯諸侯宜稱公之始年因欲假王於魯而又不直稱王故渾目曰君之始年也○注唯王至立號○通義云天子諸侯通稱君古者諸侯分土而守分民而治有純臣之義故各得紀元於其境內而何邵公猥謂唯王者然後改元立號經書元年爲託王于魯則白蹈所云反傳違戾

之失矣按公羊家以春秋託王于魯明假魯爲王者故謂唯王者然後改元立號也有何反傳違戾之有樂資春秋後傳云唯王者改元諸侯改元自份王以前未有也萬氏斯大學春秋隨筆曰君曰元首臣曰股肱天子爲天下共主五等諸侯出作屏藩入爲卿士依然臣也一統天下咸奉正朔同軌同文安有諸侯改元之理卽曰國自有史亦必大書天子之年而分繫其事何休曰必天子然後改元此說是也若然白虎通篇云春秋曰元年春王正月公卽位改元位也王者改元卽事天地諸侯改元卽事社稷者蓋春秋之世容有諸侯各自紀元於其國中者如桓二年左傳云惠之二十四年惠之三十年是也春秋自論其正故云唯王者然後改元立號其實隱公卽位當時自己稱元必不仍平王四十九年之稱聖人卽其稱元以著王法所謂假事以託義也宋書禮志云魏明帝初司空王朗議古者有年數無年號漢初有事而改有中元後元元改燭數中後之號不足故更假取美名非古也述春秋之事曰隱公元年則簡而易知載漢世之事曰建元元年則後不見宜若古稱元而已立號者白虎通號篇云所以有夏殷周號何以爲王者受命必立天下之美號以表功自元明易姓爲子孫制也夏殷周者有天下之大號也百王同天下無以相別改制天下之大號以別于前所以表著己之功業也必改號者所以明天命已著欲顯揚於天下也已復襲先王之號與繼體守文之君無以異也不顯不

明非天意也故受命王者必擇天下之美號表著己之功業
明當致施者也所以預自表克於前也按春秋託王於魯亦
卽立號之義也○注春秋至於魯○越絕書德序外傳記夫
子作春秋記元於魯大義立史記太史公自序云余問董生
曰周道衰廢孔子爲魯司寇諸侯害之大夫壅之孔子知言
之不用道之不行也是非二百四十二年之中以爲天下儀
表貶天子退諸侯討大夫以達王事而已矣子曰我欲載之
空言不如見之於行事深切著明也繁露俞序云故引史記
理往事正是非見王公史記十二公之間皆衰世之事故門
人惑孔子曰吾因其行事而加乎王心以爲見之空言不如
行事博深切明所聞之董生此焉又三代改制質文云春秋
上黜夏下存周以春秋當新王春秋當新王者奈何曰王者
之法必正號絀王謂之帝封其後以小國使奉祀之下存二
王之後以大國使服其服行其禮樂稱客而朝故同時稱帝
者五稱王者三所以昭五端通三統也又云春秋作新王之
事變周之制當正黑統而殷周爲王者之後絀夏改號而謂
之帝錄其後以小國故曰絀夏存周以春秋當新王以春秋
當新王不能見之空言故託之於魯所以見之行事也所謂
託新王受命於魯也託王於魯非以魯爲王夫子以匹夫行
褒貶之權不可無所藉故託魯爲王以進退當世士大夫正
以載之空言不如行事之深切著明也繁露王道云諸侯來
朝者得褒邪婁儀父稱字滕辭稱侯荆稱人介葛處得名內

出言如諸侯來曰朝大夫來曰聘王道之意也是也俗儒不
察猥以王魯之說集矢於公羊此不知春秋之意也劉氏逢祿
春秋釋例云王魯者即所謂以春秋當新王也夫子受命制
作以爲託諸空言不如行事之博探切明故引史記而加乎
王心焉孟子曰春秋天子之事也夫制新王之法以俟後聖
何以必平魯曰因魯史之文遵制作之魯祖之所逮問唯魯
爲近故據以爲京師張治本也聖人在位如日之麗乎天萬
國幽隱莫不畢照庶物蠢蠢咸得繫命堯舜禹湯文武是也
聖人不得位如火之麗乎地非假薪蒸之屬不能舒其光究
其用天不生仲尼萬古如長夜春秋是也故曰歸明於西而
以火繼之堯舜禹湯文武之統統以春秋治之雖百世可知
也且春秋之託王至廣稱號者義仍繫於周柱強扶弱常繫
於二伯且魯無可觀也鄭康成之事春秋可以垂法而魯之僭
則大惡也就十二公論之桓宣之弑君宜誅昭之出奔定之僭
盜國宜絕隱之獲歸宜絕莊之通仇外淫宜絕閔之見弑宜
絕僖之僭王禮縱季姬嗣邵子文之逆祀喪娶不奉制成喪
之盜天牲哀之獲諸侯虛中國以事強吳雖非誅絕而免於
春秋之貶黜者鮮矣吾故曰春秋者火也魯與天王皆薪蒸
之屬可以宣火之明而無與於火之德也彼范甯杜預之徒
曉曉不已猶矇瞍之不可語於日月之明繼照之火也包氏
慎言王魯說云春秋魯史也因魯以明王法是之謂王魯云
爾王法非周之法唐虞夏殷相傳之法也周室東遷三代之

綱紀文章蕩然矣上無道揆下無法守聖人不得已而作春秋以明一王之制始於竊柄極於精詳蓋以繼周氏之絕業反衰世之凌夷故曰撥亂世而反之正莫近乎春秋春秋以魯史撥周亂因曰王魯曷嘗假王號於魯哉曰非天子不改元而春秋於十二公之卽位皆書元年則似假以名號矣曰桓莊以後之書元緣公也隱公庶子也仲尼庶位也隱庶而無嫡則隱當君隱讓而不居則隱無位春秋成公之意不書卽位而書元年爲春秋書元年爲春秋之繼周書元年也元者善之長仁也體仁足以長人而長人莫善乎讓子曰能以禮讓爲國乎何有隱桓之爲嫡庶也微謂隱讓而隱之君國者十一年則隱之讓也亦微隱讓而并不居讓之名以覆護恒老子曰貴以身爲天下者可寄於天下愛以身爲天下者可託於天下春秋新王而託之隱蓋如是爾因是而褒儀父因是而進滕辭一王初起其慕義來歸者皆王者之所與不追治其小故此元之所以爲善長此王之所以爲天下所歸往也又云此十二君者魯之君乎哉春秋之君也方之於周則此二百四十二年隱公之統緒也繼世相沿而業隆太平則十二公皆筌蹄也班固曰縣象闔而桓文垂舞倫敷而憲章缺乃命元聖綴學立制宏亮洪業表相祖宗贊揚迪哲備哉粲爛眞神明之式也然則春秋自爲一代有祖有宗而假之於魯史公表十二諸侯云齊晉秦楚四國迭興更爲伯主文武所褒大封皆威服焉孔子明王道千七十餘君莫能用

故西觀周室論史記舊聞而次春秋上記隱下至哀之獲麟
約其詞以制其法王道備人事決王魯云者猶曰興於魯焉
耳按包氏之說較劉氏尤爲暢洽左疏引劉炫難何氏云新
王受命正朔必改是魯得稱元亦應改其正朔仍用周正何
也既託王於魯則是不事文王仍奉王正何也諸侯改元自
是常法而云託王改元是妄說也是由昧於託王於魯爲借
魯以明王之義故以俗見強說也舊疏云問曰公羊以魯隱
公爲受命王黜周爲二王後按長義云名不正則言不順言
不順則事不成今隱公人臣而虛稱以王周天子見在上而
黜公侯是非正名而言順也答曰春秋藉位於魯以託王義
隱公之爵不進稱王周王之號不退爲公何以不正名何以
爲不順言乎又奉天命而制作何不謙讓之有按左氏詳於
事公羊重乎義春秋重義不重事明乎此可以說公羊矣○
注故因至萬物○此解書卽位於元下義也杜預云凡人君
卽位欲其體元以居正故不言一年一月也繁露楚莊王云
春秋之道奉天而法古又重政云故春正月者承天地之所
爲也繼天之所爲而終之也漢書魏相傳相曰天地變化必
繇陰陽陰陽之分以日爲紀日冬夏至則八風之序立萬物
之性成各有常職不得相于明王謹於尊天慎於養人故立
義和之官君動靜以道奉順陰陽則日月光明風雨時節寒
暑調和臣愚以爲陰陽者王事之本羣生之命自古聖賢未
有不繇者也天子之義必純取法於天地而觀於先聖書曰

撫于五辰庶績其凝又董仲舒傳元者視大始而欲正本也
春秋深探其本而反自貴者始故爲君者正人心以正朝廷
正朝廷以正百官正百官以正萬民正萬民以正四方四方
正遠近莫敢不壹於正而無有邪氣奸其間者是以陰陽調
而風雨時羣生和而萬民殖五穀熟而草木茂天地之間被
潤澤而大豐美四海之內間盛德而皆徠臣諸福之物可致
之祥莫不畢至而王道終矣孔子曰鳳鳥不至河不出圖吾
已矣夫自悲可致此物而身不得致也是奉元繼天善成萬
物之春者何注獨在王上故執不知問疏注獨在至知問○
義也春者何注獨在王上故執不知問疏注獨在至知問○
皆四時之名而夏秋冬三時常不得配王歲之始也注以上
言之唯有春字常在王上故怪而問之

繫元年在王正月之上知歲之始也春者天地開闢之端養
生之首法象所出四時本名也昏斗指東方曰春指南方曰

夏指西方曰秋指北方曰冬歲者總號其成功之稱尙書以

閏月定四時成歲是也疏後漢書郎顗傳云孔子作春秋書

春者四時之始也漢書郊祀志云古者天子常以春解祠張
晏曰春者歲之始也又高帝紀拜婁敬爲奉春君張晏注同

書鈔引元命包云據春者歲之始也神明推移精華紐結注
神明猶陰陽也相推相移使物精華結成紐結要也舊疏云
問曰元年春王正月公即位實是春秋之五始而傳直於元
年春之下發言始而王正月下不言始何答曰元是天地之
始春是四時之始王正月公即位者人事之始欲見尊重天
時略於人事故也○注春者至名也○校勘記辟宋本監本
同毛本辟作闕非按疏中仍作開辟釋文辟本亦作闕白虎
通嫁娶篇春者天地交通萬物始生陰陽交接之時也獨斷
春爲少陽其氣始出地生養周禮目錄春者出生萬物漢書董
仲舒傳春之所以生也天開於子地闢於丑人生於寅三正
迭爲春首故爲開闢之端御覽引元命包云春含名蠢位東
方動春氣明達六合俱生萬物應節注春之言蠢東之言動
含出名以自明自達也惟於時爲春以其蠢動無節應此時
節也禮記鄉飲酒義云東方者春春之爲言蠢也產萬物者
也又乾鑿度云震生萬物東方者春春之爲言蠢也產萬物者
仁仁有生育之義也舊疏引易說云孔子曰易始於太極太
極分而爲二故生天地天地有春夏秋冬之節故生四時也
春爲四時之首是以爲天地開闢之端養生之首也通義云
此周之春也周人以斗杓初昏建子之月爲歲始殷人以建
丑之月爲歲始夏后氏以建寅之月爲歲始尋此傳文明歲
始卽謂之春非關木德之位東作之候後儒有疑子丑月不
得名春者可以辨矣顧炎武曰春秋時月並書於古未之見

急青經降黃扁

公羊義疏

士

故曰有四十六日而立秋加十五日指申則處暑加十五日
指庚則白露降加十五日指酉中繩故曰秋分加十五日指
辛則寒露加十五日指戌則霜降加十五日指亥則小雪加十五日指
日有四十六日而立冬加十五日指子則小寒加十五日指丑則大寒
王則大雪加十五日指寅○注歲者至之稱○素問六節藏
象論云四時謂之歲周書小開武九歲以紀終注四時終則
成歲爾雅釋天夏曰歲郭注歲取歲星行一次廣雅釋言歲
遂也白虎通四時云歲者遂也古徵書元命包云歲之言遂
也遂有成義故云總號其成功之稱也書鈔引元命包云冬
至百八十日春夏成夏至百八十日秋冬成合三百六十日
歲數舉舊疏云四時皆於萬物有所歲為兼總其成功之稱
是也又云以當代相對言之即唐虞曰載夏曰歲殷曰祀周
曰年若散文言之不問何代皆得謂之歲等取一名而必取
歲者蓋以夏數為得天正義或然也校勘記云功未本閏木
同監本毛本功誤名按舊疏引一本云歲者總號成功之稱
可證○注尚書至是也○書堯典文舊疏引鄭注云以閏月
推四時使啟閉分至不失其常著之用成歲歷將以授民時
且記時事史記五帝紀定作正閏元本改作定此引亦當作
正後人依俗本尚書改也御覽引元命包王者孰謂注孰誰
云歲之為言遂也三年一閏以起紀也

也欲言時王則無事欲言先王又無證故問誰謂疏也○禮

記檀弓云天下其孰能宗予注孰誰也孰誰雙聲為訓也○
注欲言至誰謂○舊疏云時王即當時平王若是時王應如
下天王使宰咺來歸惠公仲子之賵是其謂文王也注以上
事也欲言先王又無益正以死謚周道也

繫王於春知謂文王也文王周始受命之王天之所命故上

繫天端方陳受命制正月故假以為王法不言謚者法其生

不法其死與後王其之人道之始也疏曰王者孰謂謂文王

其意以正為文王所改公羊傳漢初俗儒之言不足以取正
也春秋之王自是當時之王按孔穎達據杜預俗說不足以
解春秋者故言如此彼又云晉世有王愆期者知其不可注
公羊以為春秋制文王指孔子耳非周昌也文王世子稱武
王對文王云西方有九國焉君王其終撫諸呼文王為王是
後追為之詞其言未必可信亦非實也臧氏庸拜經日記云
釋文序錄云公羊有王愆期注十二卷字門子河東人晉散
騎常侍辰陽伯春秋制文王指孔子者門子用緯說言春秋
之法以孔子為文王禮記正義曲禮下曰鉤命決云某為制
法之王黑綠不代蒼黃是孔子為文王之事又或稱素王按
緯說以孔子為文王謂孔子作春秋制法文王俟後世耳非
謂孔子謂文王也王氏誤解轉為孔穎達輩取口實也漢書

董仲舒傳故文王悼痛而欲安之是以日昃不暇食也孔子
作春秋先正王而繫萬事見素王之文也亦止以孔子素王
不以文王指孔子也舊疏引春秋說云王者孰謂謂文王也
疑三代謂疑文王宋注雖大略据三代其要主於文王按春
秋說係元命包文校勘記云春秋說云下當有脫誤疑三代
謂疑文王當云疑三代不專謂文王按宋意以春秋之道實
兼三王而專主文王者孔子當周之世理宜假文王之法故
偏道之也故文九年毛伯來求金傳云繼文王之體守文王
之法度文王之法無求而求故譏之也是也○注以上至王
也○春秋有五始之義春者四時之始王者受命之始繫王
於春明王爲受命之王故宜謂文王矣○注文王至之王○
詩大雅序文王文王受命作周也箋云受命受天命而王天
下制立周邦史記周本紀西伯陰行善諸侯皆來決平虞芮
既讓諸侯聞之曰西伯蓋受命之君也書大傳文王受命一
年斷虞芮之訟二年伐邠三年伐密須四年伐犬夷五年伐
耆六年伐崇七年而崩詩疏引中候我應云季秋之月甲子
赤雀銜丹書入豐上于昌戶再拜稽首受又引尚書運期授
引河圖曰倉帝之治八百二十歲立戊午部注云周文王以
戊午部二十九年受命又引易是類謀云文王比隆興始霸
伐崇作靈臺受赤雀銜丹書而命之又乾鑿度云入戊午部
二十九年伐崇作靈臺改正朔布王號於天下受錄應河圖注
十九年伐崇作靈臺改正朔布王號於天下受錄應河圖注

受命後五年乃爲此改應猶如也如前聖王所得河圖之書
又云亡殷者紂黑期火戊倉精授汝位正易注火戊午紂
也午爲火必言火戊者本精將王火爲之相戊土也又爲火
子又火使其子爲己塞水明倉精絕殷之相也又云歷元名
握先紀曰甲子歲甲寅又曰今人天元二百七十五萬九千
二百八十歲昌以西伯受命洛書之命爲天子御覽引元命
包云代殷者爲姬昌生於岐立於豐精翼口衣青光遷造西
十刻消初學記引元命包云姬昌蒼帝之精位在房心類聚
引元命包云殷紂之時五星聚于房房者蒼帝神之精周據
而興是文王爲周始受命王也惟伏生與馬遷鄭康成皆以
文王受命七年而崩詩疏引劉歆作三統曆攷上世帝王以
爲文王受命九年而崩班固作漢書律曆志載其說賈逵馬
融王肅韋昭皇甫謐皆悉同之何無明說未知所從按殷本
紀周武王爲天子其後世貶帝號號爲王考夏殷天子皆稱
帝故文王常紂之世稱王正降帝一等故不爲僭武王不敢
有加故太王王季亦止追稱王卽以王爲一代之號如文王
造舟爲梁卽以造舟爲天子之制親迎于渭卽以親迎爲天
子之禮太王立泉門應門亦卽以泉應爲天子之門也莊氏
存與春秋正詞云聞之曰受命之王曰太祖嗣王繼體者繼
太祖也不敢曰受之天曰受之祖也文王受命之祖也成康
以降繼文王之體者也武王有明德受命必歸文王是謂天
道武王且不敢專子孫其或干焉命曰文王之命法曰文王

之法所以尊祖所以尊天也大雅曰上天之載無聲無臭儀刑文王萬邦作孚聖人之志也書曰丕顯哉文王謨丕承哉武王烈佑啟我後人咸以正無缺天子之事守也○注天之至天端○天之所命卽上緯書所載是也春爲天之始繫王於春故爲上繫天端繁露奉本云人之得天得眾者莫如受命之天子下至公侯伯子男海內之心懸於天子是也舊疏引春秋說文云以天之端正王者之政是也○注方陳至王法故作春秋因魯史記設素王之法謂天子之事也明春秋借魯受命立制故假以行天子事所謂假以爲王法也通義云昔者周公營洛作宗宮考宮其制五室九階四戶八闕謂之文世室武世室洛誥曰王在新邑烝祭歲文王駢牛一武王駢牛一王入太室祿太室之言猶世室也夏曰世室周曰明堂異名而同實是以大戴禮記曰明堂者文王之廟也鄭司農說文王之廟爲明堂制禮有明堂月令篇王者聽朔必居明堂所以辨方正位順時布政周之初蓋頒朔於文王之廟故曰王正月者文王之正月也周人受命自文王始雖今嗣王亦守文王之法度行文王之正朔春秋內魯文王又魯之所自出繫王於春繫正月於文王尊則統人親則率祖尊尊而親親人道之始也子當曰文王旣沒文不在茲乎蓋治春秋之本意也治左氏者以王正月爲時王之正月周之東遷時王不能頒月久矣且如左氏說襄公季年歸餘再失哀公

之世大火冬流魯厥未必盡合周厥而春秋強据魯史正月
號稱時王之正月不亦誣乎通義敘又云經有變周之文從
殷之質非天子之因革耶甸服之君三等蕃衛之君七等大
夫不世小國大夫不以名氏通非天子之爵祿耶上抑杞下
存宋襄滕薛邾婁儀父賤穀鄧而貴盛邾非天子之綈陟耶
內其國而外諸夏內諸夏而外四裔殆所謂天下之本在國
國之本在家者非耶皆假爲王法事也解詁箋云王者正三
統之稱董子書略說云聖王生則稱天子崩遷則存爲三王
綈滅則爲五帝下至附庸綈爲九皇下極其爲民湯受命正
白統親夏故虞綈唐謂之帝堯以神農爲赤帝推庖羲爲黃
皇文王受命正赤統親殷故夏綈虞謂之帝舜以軒轅爲黃
帝世神農爲九皇春秋應天作新王之事時正黑統王魯尙
黑綈夏親周故宋改號禹謂之帝樂宜親韶舞故以虞錄親
樂制宜商傳曰謂文王者猶以天正終麟方明夏時子曰文
王既歿文不在茲乎上下百王皆統此矣三代之書託始帝
典人統之正託始文王一也舊疏云孔子方陳新王受命制
正月之事故假取文王創始受命制正朔者將來以爲法其
實爲漢矣是也○注不言至其之○儀禮士冠記云死而諡
今也注今謂周衰記之時也是周道死諡春秋法文王生時
政教以爲後王法故不稱諡明王法者百代所同也禮記中
庸云仲尼祖述堯舜憲章文武注此以春秋之義說孔子之
德孔子曰吾志在春秋行在孝經二經固足以明之孔子祖

述堯舜之道而制春秋而斷以文王武王之法度春秋傳曰
繼文王之體守文王之法度又曰王者孰謂謂文王也此孔
子兼道堯舜文武盛德而著之春秋以俟後聖者也○注人
道之始也○舊疏云何氏以見上文亦始尊重天道皆傳自
有始文故不須註云天道之始今此實天下之易爲先言王
始但略於人事無始文故須注云人道之始也
而後言正月注据下秋七月天王先言月而後言王疏王氏
經傳釋詞云爲猶以也詩十月胡爲我作公羊易爲先言王
隱四年穀梁傳何爲貶之也論語先進奚爲於某之門胡爲
易爲何爲奚爲皆言何以也○注据下至言王○卽下秋七
月天王使宰咺來歸惠公仲子之賵是也通義云据桓之篇
正月上或不先言王按傳文明以王正月也注以上繫於王
易爲先言王爲問當如何氏解也

知王者受命布政施教所制月也王者受命必徙居處改正
朔易服色殊徽號變犧牲異器械明受之於天不受之於人
夏以斗建寅之月爲正平旦爲朔法物見色尙黑殷以斗建
丑之月爲正雞鳴爲朔法物牙色尙白周以斗建子之月爲

止夜半爲朔法物萌色尙赤

疏

通義云爾雅曰正長也謂之正月者十二月之長按釋文

云正月音征又音政世以秦皇名政改音爲征蓋不知周秦平仄之分不必如後世之嚴也○注以上至月也○周禮太宰云正月之吉始和布治於邦國都鄙乃懸治象之灋於象魏使萬民觀治象司徒等職亦有是事是布政施教所制月也繁露三代改制云春秋曰王正月傳曰王者執謂謂文王也曷爲先言王而後言正月王正月也何以謂之王正月曰王者必受命而後王王者必改正朔易服色制禮樂一統於天下所以明易姓非繼人通以己受之於天也王者受命而王制此月以應變故作科以奉天地故謂之王正月也又重政云元者萬物之本春正月者承天地之所爲也繼天之所爲而終之也又左疏引董仲舒對策云孔子作春秋先正王而繫以萬事是素王之王也今漢書無此語說苑君道云孔子曰文王似元年武王似春王周公似正月文王以王季爲父以太任爲母以太姒爲妃以武王周公爲子以泰顛閎天爲臣其本美矣武王正其身以正其國正其國以正天下伐無道刑有罪一動而天下正其事正矣春致其時萬物皆及生君致其道萬物皆及治周公戴己而天下順之其誠至矣繁露三代改制云故君子曰武王其似正月矣與說苑異○注王者至於人○宋書禮志引元命包云王者受命昭然明於天地之理故必移居處更稱號改正朔易服色以明天命

聖人之實質文再而改窮則相承周則復始漢書董仲舒傳
故春秋受命所先制者改正朔易服色所以應天也然則宮
室旌旗之制有法而然也白虎通三正云王者受命必改朔
何明易姓示不相襲也明受之於天不受之於人所以變易
民心革其耳目以助化也故大傳曰王者始起改正朔易服
色殊徽號異器械別衣服也是以禹舜雖繼太平猶宜改以
應天王者改作樂以必得天應而後作何重改制也春秋瑞
應傳曰敬受瑞應而王改正朔易服色易曰湯武革命順乎
天而應乎民也史記麻書王者易姓受命必慎始初改正朔
易服色推本天元順承厥意繁露楚莊王云今所謂新王必
改制者非改其道非變其理受命於天易姓更王非繼前王
而上也若一因前制修故業而無所改是與繼前王而王者
無所別受命之君天之所大顯也事父者承意事君者儀志
事天亦然今天大顯已物襲所代而率與同則不顯不明非
天志故必徙居處更稱號改正朔易服色者無他焉不敢不
順天志而明自顯也若夫大綱人倫道理政治教化習俗文
義盡如故亦何改哉故上者有改制之名無易道之實孔子
曰無爲而治者其舜乎言其主堯之道而已此非不易之效
與又三代改制質文云王者改制作科奈何曰當十二色麻
各法而正色逆數三而復絀三之前曰五帝迭首一色順數
五而相復禮樂各以其法象其宜順數四而相復咸作國號
遷宮邑易官名制禮作樂按此卽何所云徙居處是也如少

吳都曲阜顓頊都濮陽帝嚳都亳堯都平陽舜都蒲坂夏都
安邑湯都亳文王作邑于豐又繁露三代改制云湯受命而
王作宮邑於下洛之陽又云作宮邑於豐蓋謂文王彼有奪
文也又云武作宮邑於鄩周公輔成王受命作宮邑於洛陽
又云殷湯之後稱邑示天之變反命故天子命無常唯命是
德慶是也其改正朔者白虎通引三正記曰正朔三而改卽
下注所云是也其易服色者禮記大傳注云服色車馬也舊
疏云卽明堂位云鸞車有虞氏之路也鈎車夏后氏之路也
大路殷路也乘路周路也夏后氏駟馬黑鬣殷人白馬黑首
周人黃馬蕃鬣之屬是也其殊徽號者大傳注徽號旌旗之
名也舊疏云卽明堂位有虞氏之旂夏后氏之綏綏尚黑旗
周之大赤之屬是也繁露又云黑統大節綏綏尚黑旗黑正
白統者大節綏綏尚白旗白正赤統者大節綏綏尚赤旗赤
亦是也其變犧牲者舊疏卽明堂位云夏后氏牲尚黑殷白
牲周駢剛之屬是也按繁露又云黑統郊牲黑犧牲角卯祭
牲黑牡薦尚肝正白統者郊牲白犧牲角薦祭牲白牡薦尚
肺正赤統者郊牲正白統者郊牲白犧牲角栗祭牲白犧牲
注夏祭心殷祭肝周祭肺與此殊其異器械者大傳注云器
械禮樂之器及兵甲也舊疏云器卽明堂位云秦有虞氏之
尊也山罍夏后氏之尊也舊疏云尊也犧象周尊也夏后氏
鼓足般楹鼓周縣鼓是也按繁露又云黑統樂器黑質正白
統者樂器白質正赤統者樂器赤質亦是也禮記大傳云立

權度量考文章改正朔易服色殊徽號異器械別衣服此其
所得與民變革者也其不可變革者則有矣親親也尊尊也
長長也男女有別此其不可得與民變革者也明王者受命
止變此數所以新天下耳目故也史記趙世家云及至三王
隨時制法因事制禮法度制令各順其宜衣服器械各便其
用故禮也不必一道而變國不必古聖王之興也不相襲而
王夏殷之衰也不易禮而變滅○注夏以至向赤○類聚引元
命包云正朔三而改白虎通三正云三微者何謂也陽氣始
施黃泉萬物動微而未著也十一月之時陽氣始發根株黃
泉之下萬物皆赤者盛陽之氣也故周為天正色尚赤也
十二月之時萬物始牙而白者陰氣故殷為地正色尚白
也十二月之時萬物始達乎甲而出皆黑人得加功故夏為
人正色尚黑尚書大傳曰夏以孟春月為正殷以季冬月為
正周以仲冬月為正色尚白以十三月為正色尚黑以十一月
為正色尚赤以十二月為正色尚白以十一月為正色尚黑以
尚赤以十二月為正色尚白以十一月為正色尚黑以十一月
故必以三微之月也三正之相承若順連環也孔子承周之
弊行夏之時知維十一月為正者當用十三月也論語疏引
元命包又云夏以十三月為正息卦受泰注物之始其色尚
黑平明為朔又云殷以十二月為正息卦受泰注物之始其
色尚白以雞鳴為朔又云周以十一月為正息卦受泰注物
之萌其色尚赤以夜半為朔又云周以十一月為正息卦受泰
注物

建子天始施之端謂之天統周正服色尚赤象物萌色赤也
十二月建丑地始化之端謂之地統殷正服色尚白象物牙
色白也正月建寅人始化之端謂之人統夏正服色尚黑象
物生色黑也此三正律者亦以五德相承以前三皇爲正謂
天皇地皇人皇皆以天地人爲法周而復始其歲首所書乃
因以爲名欲體三才之道而君臨萬邦故受天命而王者必
調六律而改正朔受五氣而易服色法三正之道也周以天
統服色尚赤者陽道尚左故天左旋周以木德王火是其子
火色赤左行用其赤色也殷以地統服色尚白者陰道尚右
其行右轉殷以水德王金是其母金色白故右行用其白色
夏以人統服色尚黑者人亦尚左夏以金德王水是其子水
色黑故左行用其黑色後漢書注引崔靈恩三禮義宗云三
微三正也言十一月陽氣始施萬物動於黃泉之下微而未
著其色皆赤者陽氣故周以天正爲歲色尚赤夜半爲朔
十二月萬物始牙色白白者陰氣故殷以地正爲歲色尚白
雞鳴爲朔十三月萬物始達其色皆黑入得加功以展其業
夏以人正爲歲色尚黑平旦爲朔故曰三微王者奉而成之
各執其一以改正朔也後漢書陳寵傳冬至之節陽氣始萌
故十一月有蘭射干芸荔之應天以爲正周以爲春十二月
陽氣尚通雉雞乳地以爲正殷以爲春十三月陽氣已至
天地已交萬物皆出蟄蟲始振人以爲正夏以爲春三微成
著以通三統統者統一年之事王者三正遞用循環無窮元

命包感精符皆春秋緯與今文書傳皆合也舊疏引書傳略說云周以至動殷以萌夏以牙注謂三王之正也至動冬日至物始動也物有三變故正色有三天有三生三死故土有三王王特一生死是故周人以日至為正殷人以日至三十日為正夏以日至六十日為正三統三王若循環周則又始窮則反本是也舊疏又據禮說云若尚色天命以赤尚赤以白尚白以黑尚黑宋氏云赤者命以赤烏故周尚赤湯以白狐故尚白禹以元珪故尚黑如三代所尚自是依天命之色似非法時物之牙色也何言乎王正月注據定公有王無以為難其實兩不相妨也

正月疏

注據定至正月○定元年春王三月是有王無正月也凡即位皆在正月故十二公無論書即位不書即位

凡元年皆書王正月所以重始也定公即位在大月正月又無事故不書正但書三月晉人執宋仲幾于京師自為他事書大一統也注統者始也總繫之辭夫王者始受命改制也

布政施教於天下自公侯至於庶人自山川至於草木昆蟲

莫不一一繫於正月故云政教之始疏

漢書王陽傳王陽曰春秋所以大一統者

六合同風九州共貫也禮記坊記曰天無二日土無二王國無二君家無二尊以一治之也即大一統之義也解詁箋云

大一統者通三統爲一統周監夏商而建天統教以文制尙
文春秋監商周而建人統教以忠制尙質也○注統者至之
辭○禮記祭統鄭曰錄云統猶本也易乾象傳云乃統天釋
文引鄭注統猶本也本有始義漢書兒寬傳統攝羣元臣瓚
曰統猶總覽也文選笙賦統大魁以爲笙注統總也周禮太
宰以八統詔王馭萬民注統所以合率以等物也凡統領統
率皆與總繫義近故云總攝之辭也王者受命制正月凡一
切政令無不奉以爲始故統兼兩義卽下注所云是也○注
夫王至之始○宋本夫作天校勘記監毛本同誤也宋鄂州
官本元本閩本天作夫成十五年疏定元年疏引此注同當
據以訂正繁露觀德云百禮之貴皆編於月史記厯書云正
不率天又不由人則凡事易壞而難成矣王者易姓受命必
慎始初改正朔易服色推本天元順承厥意漢書董仲舒傳
春秋大一統者天地之常經古今之通誼也師古曰一統者
萬物之統皆歸於一也故何氏包自公侯至庶人自山川至
草木昆蟲言之見天地人物無不繫之正月矣云政教之始
者舊疏云正以傳公何以不言卽位注據文公言卽位也公
不言始故足之

卽位者一國之始政莫大於正始故春秋以元之氣正天之
端以天之端正王之政以王之政正諸侯之卽位以諸侯之

卽位正竟內之治諸侯不上奉王之政則不得卽位故先言
正月而後言卽位政不由王出則不得爲政故先言王而後
言正月也王者不承天以制號令則無法故先言春而後言
王天不深正其元則不能成其化故先言元而後言春五者
同日並見相須成體乃天人之大本萬物之所繫不可不察
也疏注据文公言卽位○文元年春王正月公卽位是也舊
疏云桓公元年亦書卽位傳不從始而遠据文公者正
以文公正卽位之始故也桓公篡而卽位非其正故雖卽位
在文公前猶不据之是也○注公卽至之始○各本脫公字
据左傳疏引補漢書路溫舒傳春秋正卽位大一統而慎始
也舊疏云亦以傳無始文故言此也○注政莫至之治○繁
露重政云元猶原也其義以隨天地終始也故人唯有終始
也而生不必應四時之變故元者爲萬物之本而人之元在
焉安在乎乃在乎天地之前故人雖生天氣及奉天氣者不
得與天元本天元命而共違其所爲也故春正月者承天地
之所爲也繼天地之所爲而終之也其道相與其功持業安
容言乃天地之元天地之元奚爲於此惡施於人大具貫承

意之理矣是言有終必先正始也又二端云故聖人能繫心於微而致之著也是故春秋以元之深正天之端以天之端正王之政以王之政正諸侯之卽位五者俱正而化大行然書曰蝕星隕有或山崩地震夏大雨水冬大雨雪隕霜不殺草自正月不雨至於秋七月有鶴鵠來巢春秋異之以此見悖亂之徵是小者不得大徵者不得著雖甚末亦一端孔子以此效之否所以貴微重始是也蓋凡始皆微故聖人繫心於微正以正始故也舊疏引元命包亦云以元之深正天之端以天之端正王者之政也補氏鐘疑深當作氣然繁露亦云以元之深似不必改氣也漢書王褒傳記曰共惟春秋法五始之要在乎審己正統而已張晏曰春秋稱元年春王正月此五始也師古曰元者氣之始春者四時之始王者受命之始正月者政教之始公卽位者一國之始又利何氏義云元者氣之始春者四時之始王者受命之始公卽位者一國之始說苑建本云孔子曰君子務本本立而道生夫本不正者末必倚始不盛者終必衰詩云原隰既平泉流既清本立而道生春秋之義有正春者無亂秋有正君者無危國易曰建其本而萬物理失之毫釐差以千里是以君子貴建本而重立始新書胎教雜事亦引易語下云故君子慎政也春秋之元詩之關雎禮之冠婚易之乾坤皆慎始敬終云爾按劉向言穀梁賈誼治左氏是三傳大略同也○注諸侯至

察也○天不監毛本鄂本元本闕本宋本並同不誤釋文作
夫不音扶校勘記云此陸德明一時誤會未審其理也禮記
疏引元命包云諸侯不上奉王之正則不得即位正不出王
出不得為正王不承於天以制號令則無法天不得正其元
則不得成其元也王不上奉天元則不能成其化故先起元然後
陳春後言王天不深正其元則不能成其化故先起元然後
陳春矣繁露楚莊王云春秋之道奉天而法古故聖者法天
賢者法聖故書堯典曰若稽古疏引鄭注稽古同天言能順
天而行與之同功又竹林云春秋之序辭也置王於春正之
問非曰上奉天施而下正人然後可以為王云爾非曰猶言
豈非也漢書董仲舒傳臣謹按春秋之文求王道之端得之
於正次王王次春春者天之所為也正者王之所為也其
意曰上承天之所為而下正其端於天說苑建本云魏武侯問元
則王者欲有所為宜求其端於天說苑建本云魏武侯問元
年於吳子吳子對曰言國君必慎始也慎始奈何曰正之正
之奈何曰明習智不明何以見正多聞而擇焉所以明習也
皆言天人相須之義也包氏慎言五始說云五始一曰元二
曰春三曰王四曰正月五曰公即位子思贊述祖德曰仲尼
祖述堯舜憲章文武上律天時下襲水土祖述憲章者制作
之事也上律下襲者制作之文也而推其德譬之於天地鄭
氏康成曰推五始足以當之初莫解其故既而思之元者天
命之性也春者率性之道也王者脩道之主而政教由之出

焉王奉天出教諸侯奉行之以治其國各以歲時述職於王
所以大一統也合天下而齊趨於王統百王而皆奉一元脩
德凝道戒愼乎其所以不愼恐懼乎其所以不聞故能一以貫三
所謂不愼者非探之茫茫所謂不聞者非索之冥冥也緣所
親以逆測所不親經所問以逆測所不問吉凶悔吝之著焉
耳王褒曰恭惟春秋五始之要在乎省己正統而已統者何
本也正本在乎省己省己者省所親所聞於春秋而反之於
己則本正王自正其本則其聰明睿智足以有臨寬裕溫柔
足以有容發強剛毅足以有執齊莊中正足以有敬文理密
察足以有別所謂博博時出見之政教者一如日月之代明
四時之錯行故尊親偏於凡有血氣之區然至聖之所以如
此者無他至誠焉而已至誠者戒愼恐懼之要於獨者也以
其獨見之明獨運之智為天下經綸大經立大本夫是以肫
肫乎其仁也淵淵乎其淵也浩浩乎其天也堯舜文武以至
聖至誠在天位故身備其事仲尼不當天位而制作之筆神
明文成麟致瑞應昭焉不啻身備其事也史公曰為人君父
者不可以不知春秋為人君父而不知春秋則必蒙首惡之
名為人臣子者不可以不知春秋為人臣子而不知春秋則
必蹈篡弒之誅故曰知遠之近知風之自知微之顯可與入
德矣謂見末正本而可與人於元德也子嘗曰文王既沒文
不在茲乎子思述祖德而篇末兩引文王之詩曰不顯惟德
百辟其間之其王正月之謂乎上天之載無聲無臭其元之

謂乎與天合德者天所命也故曰王者孰謂謂文王也文之
在茲仲尼一文王也其發明五始之旨以中庸說春秋尤爲
明顯也五者同日並見者卽位之日卽位卽布政布政卽以
奉王奉王卽以奉天奉天卽以體元也所以相須乃成也元
年春者天之大本王正月卽位者人之大本自公侯至庶人
自山川至草木昆蟲無不繫於正月故爲萬物之所繫也
成公意也注以不有正月而去卽位知其成公意疏解詰箋
能讓與不能讓與其讓正與不正不足辨也春秋成之以明
正適廢立長貴之法以治幽平之亂以維王者之道天地之
常經古今之通義也繁露楚莊王云春秋之好微與其貴志
也隱公志乎讓故不書卽位以成其志爾穀梁傳亦云成公
志也焉成之言君之不取爲公也○注以不至公意○舊疏
云下十一年傳云隱何以無正月隱將讓乎桓故不有其正
月也今此注云不有正月者謂從二年後恒去正月也今元
年去卽位故知成公意矣今元年言正月者公時實行卽位
之禮故見之又引舊云以有正月而去卽位無不字言凡書
正月爲公卽位出也以元年有正月卽公實行卽位禮而孔
子去卽位知其成公讓意者非按舊無不字是也去卽位亦
足以見成公意傳文明承上公何以不言卽位而答之則專
据不書卽位明甚正以旣書正月自必實已卽位而不書卽
位故知成公意何氏必不探二年以下之不書正月爲說也

下十一年之傳自明二年以後無正月之義與此無涉何成乎公之意注据刺欲救紀

而後不能疏注据刺至不能○莊三年公次干郎傳曰刺欲

能救紀是不終善事而春秋書次干郎以刺之今隱公有讓

心實是善事但終讓不成亦是善心不遂而春秋善之故以

爲難按此可知春秋無達例矣春秋之道視人所惑爲立說以大明之此也公將平國而反之桓

注平治也時廢桓立隱不平故曰平反還之疏注平治也○

平天成傳水土治曰平廣韻平正也廢桓立隱不正故不平也詩皇矣修之平之亦謂修理之平治之也曷爲反

之桓注据己立也桓幼而貴隱長而卑注長者己冠也禮年

二十見正而冠上冠禮曰適子冠於阼以著代也醯於客位

加有成也三加彌尊論其志也冠而字之敬其名也公侯之

有冠禮夏之末造也天子之元子猶士也天下無生而貴者

疏注長者己冠也○禮記冠義曰己冠而字之成人之道也

又曰成人之者將責成人禮焉也故己冠爲長喪服十九

以下爲長殤以其未成人猶不爲長也○注禮年至而冠○
 白虎通紼冕篇禮所以十九見正而冠者何漸三十之人耳
 男子陽也成於陰故二十而冠曲禮曰二十弱冠言見正何
 以知不謂正月也儀禮士冠經曰夏葛屨冬皮屨明非歲之
 正月也荀子大略篇天子諸侯子十九而冠冠而聽治其教
 至也說苑建本篇周召公年十九見正而冠冠則可以爲方
 伯諸侯矣又冠禮十九見正而冠古之通禮也則見正而冠
 意古禮有是語故此注及荀子說苑白虎通並依用焉惟此
 言二十彼言十九者年二十者冠之正禮記曲禮曰男子二
 十冠而字又內則曰二十而冠始學禮是也年未二十則禮
 之變天子諸侯之元子猶士馬亦二十而冠而魯襄邾隱不
 拘此限則以先君早世子幼年爲君故得早冠如周成王
 亦或有異焉周衰禮失士大夫家亦或有不及二十而冠者故
 有十九見正之說焉舊疏云依八代記卽少昊亦十二而冠
 知天子諸侯幼卽位者皆十二而冠矣又引異義古尚書說
 云武王崩時成王年十三後一年管蔡作亂周公東辟之王
 與大夫盡弁以開金縢之書時成王年十四言弁明卽已冠
 矣是其證也隱公之冠當惠公之世猶從士禮必二十成人
 乃冠故何氏云長者已冠也舊疏又引異義禮戴說云男子
 陽也成於陰故二十而冠是也言見正者舊疏云欲道庶子
 不冠於阼階義或然也○注士冠至成也○自適子至貴者
 皆儀禮士冠記文禮記郊特牲冠義亦有此語鄭彼注云每

加於阼則醴之於客位所以尊敬之成其爲人也又郊特牲
注云東序少北近主位也又冠義注云適子冠於阼若不醴
則醴用酒於客位敬而成之也戶西爲客位庶子冠於房戶
外又因醴焉不代父也今按阼是主位故冠於此以著代卽
東序少北之位醴於客位醴亦於客位異於庶子之冠醴皆
於房戶外也郊特牲注又云每加而有成人之道也成人則
益尊醴於客位尊之也與儀禮注少異故繼公儀禮集說云
加猶尙也尊也尊其有成人之道故以客禮待之張氏爾岐
儀禮句讀云加有成加禮於有成德者也皆通著代者張爾
岐云明其將代已也是也嫡校勘記云鄂本同閩監毛本嫡
作適下同按釋文亦作適字○注三加至名也○鄭彼注云
冠服後加益尊論其志者欲其德之進也名者質所受於父
母冠成人益文故敬之也張氏爾岐云論其志教諭之使其
志存修德每進而上也敬其名敬其所受於父母之名非君
父之前不以呼也按冠禮始加緇布冠次加皮弁三加爵弁
皮弁尊於緇布冠爵弁尊於皮弁所謂三加彌尊也彌益也
謂益尊也子生三月父名也旣冠賓字之字以代名是爲敬
其名也鄭彼注又云今文無之按何氏此注引有之字與古
文合故鄭亦從古文○注公侯至造也○鄭彼注云造作也
白夏初以上諸侯雖父死子繼年未滿五十者亦服土服行
士禮五十乃命也至其衰末上下相亂寡穢所由生故作公
侯冠禮以正君臣也坊記曰君不與同姓同車與異姓同車

不同服示民不嫌也以此坊民民猶得同姓以弑其君張氏
爾岐云此言不獨大夫無冠禮雖公侯冠禮亦夏末始作非
古也晉書禮志云儀禮公侯之有冠禮夏之末造也王鄭皆
以爲夏末上下相亂纂弑由生故作公侯冠禮而王藻記天
同盛氏世佐儀禮集編云大夫以上本無冠禮而王藻記天
子諸侯始冠之冠家語記成王冠頌及公侯冠禮左傳載魯
襄公冠事國語載趙文子冠事然則諸侯冠禮始於夏末天
子冠禮始於周初大夫冠禮其始於周之季世乎郊特牲疏
謂此記直云諸侯不云天子又下云天子之元子與士同則
天子冠禮由來已久但無文以明之然家語言天子冠禮而
直以成王事實之而曰此周公之制也則天子冠禮之作非
無文也蓋先有公侯冠禮後有天子冠禮故大戴禮公冠篇
云天子冠禮是也按家語冠頌云邾隱公既卽位將冠使大
夫因孟懿子問禮於孔子孔子曰雖天子之元子猶士也其
禮無變天下無生而貴者故也行冠事必於祖廟以裸享之
禮將之以金石之樂節之所以自卑而尊先祖示不敢擅也
懿子曰天子未冠卽位長亦冠乎孔子曰古者王世子雖幼
其卽位則尊爲人君人君治成人之事者何冠之有懿子曰
然則諸侯之冠異天子歟孔子曰君薨而世子主喪是亦冠
也已人君無所殊也懿子曰今邾君之冠非禮也孔子曰諸
侯之有冠禮也夏之末造也有自來矣今無讓焉天子冠者
武王崩成王年十有三而嗣立周公攝政治天下明年夏六

月既葬冠成王而朝於祖示有君也命祝雍作頌此周公之
制也懿子曰諸侯之冠其所以為賓主者何如孔子曰公冠
則以卿為賓公白為主迎賓揖升自阼立於席北其體也則
如士饗之以三獻之禮既體降自阼階諸侯非公而自為主
者其所以異皆降自西階元端與皮弁異朝服素韞公冠四
加元冕祭其酬幣於賓則束帛乘馬王太子庶子之冠擬焉
皆天子自為主其禮與士無變饗食賓也皆同是公侯冠禮
也○注天子之貴者○儀禮鄭注云元子世子也無生而貴
皆山下升上既言大夫與諸侯無自之冠禮此又言冠子
亦同士禮雖天子之元子尚然況下此者乎郊特牲鄭注云
明人有賢行著德乃得貴也白虎通篇云王者太子亦稱
士何舉從下升以為人無生得貴者莫不由士起則隱公之
冠在即位先宜從士禮其為尊卑也微注母俱媵也疏注母
二十而冠故知其長也其為尊卑也微注母俱媵也疏注母
也○史記魯世家云初惠公適如夫人無子公賤妾聲子生
子息息長為娶于宋宋女至而好惠公奪而自妻之生子允
登宋女為夫人以允為太子何氏以隱桓之母皆媵則不取
史記之說矣又左傳言元如孟子卒繼室以聲子生隱
公宋武公生仲子仲子生而有文在其手曰為國人莫知注
魯夫人故仲子歸於我生桓公亦何氏所不取國人莫知注

十閉房無世子則命貴公子將薨亦如之疏注國人所別也
娶九女一適二媵分爲左右尊卑灼然朝廷之上理應悉知
今此傳云國人不知明是國內凡人也蓋皆由於惠公之不
早分別也解詁箋云以桓爲貴隱爲尊春秋微意國人莫知
者所謂游夏之徒不能贊一辭也按注下注云明王者受命不
追治前事則劉氏之說信矣○注禮男至如之○各本脫禮
字依鄂本正白虎通嫁娶篇男子六十閉房何所以輔衰也
故重性命也又曰父子不同櫛爲亂長幼之序也禮內則曰
妾雖老未滿五十必與五目之御滿五十不御俱爲助衰也
至七十太衰食非肉不飽寢非人不煖故七十復開房也家
語好生解云男女不六十不同居毛詩傳同故六十無妻則
不娶惟宗子則不限常制以宗子收族昭穆事重又凡祭必
夫婦親之故曾子問云宗子雖七十無主婦也又禮記內
則云夫婦之禮唯及七十同藏無間注云衰老無嫌卽白虎
通所云復開房者是也無世子則命貴公子則當如下注所
云先右媵後左媵次適姪娣次右媵姪娣次左媵姪娣矣將
薨亦如之謂未及六十而薨者也六十無世子所以立貴公
子者以六十以後陽道閉藏適夫人無生世子之理故立貴
公子爲世子以定儲位若早立庶子恐更生世子立而復黜
則致亂隱長又賢注此以上皆道立隱所緣疏注此以至所
階故也

而貴至 諸大夫扳隱而立之注 扳引也諸大夫立隱不起者此也

在春秋前明王者受命不追治前事孔子曰不教而殺謂之

虐不戒視成謂之暴疏 注扳引也○莊子馬蹄云可攀援而

引也或从手从樊廣雅釋言扳援也集言扳挽也引也援也皆

而舍注攀引也廣雅釋言扳援也集言扳挽也引也援也皆

本此文為說也○注諸大至前事○史記魯世家及惠公卒

為允少故魯人共令息攝政不言即位是隱之立為諸大夫

所立在春秋前也穀梁傳春秋貴義而不貴惠信道而不信

邪孝子揚父之美不揚父之惡先君之欲與桓非正也邪也

雖然既勝其邪心以與隱矣已探先君之欲與桓非正也邪也

則是成父之惡也則以隱公之立為受之惠公故下又云為

子受之父注隱為世子親受命於惠公也又責隱之讓為不

正未免深文矣何所不取舊疏云公子翬弑隱立桓仲遂弑

赤立宣皆貶去公子以起見之今諸大夫廢桓立隱亦是不

正何故不作貶文以見罪正以在春秋前欲明王者受命不

追治前事故也凡言起者莊氏存與春秋正詞云春秋詞異

則指異事異而辭同則以事見之事不見則以文起之嫌者

使異不嫌使同是也○注孔子至之暴○論語堯曰文毛本

暴作暴集解引馬曰不宿戒而責目前成為視成荀子坐宥

云魯有父子訟者拘之三曰其父請止孔子舍之季孫不說
孔子曰嫂令謹誅賊也令有時斂也無時暴也不教而責成
功虐也已此三者然後刑可即也按何意引以證不追治前
事自据不教而殺謂之虐意言入春秋後尚未教治而追究
已往是為不教而殺隱於是焉而辭立注辭讓也言隱欲讓
也不戒句連及之耳
疏注辭讓也○禮記哀公問曰因臣敢無辭而對注辭讓也
又坊記曰無辭而行情則民爭注辭辭讓也若然儀禮鄉
飲酒禮主人坐奠爵于階前辭注云事同曰讓事異曰辭者
對文異散則通也辭讓之辭當作辭說文受部辭不受也从
辛从受受辛則未知桓之將必得立也注是時公子非一
宜辭之是也則未知桓之將必得立也注是時公子非一
注是時公子非一○隱桓弟兄史記及各書別無所見無
文言之或何氏時書籍尙多別有所据而以意言之也且
如桓立注且如假設之辭疏注且如假設之辭○廣雅釋言
如若也若即假設之義又廣雅釋詁且借也莊則恐諸大夫
子齊物論今且有人於此是且如皆假設之詞則恐諸大夫
之不能相幼君也注隱見諸大夫背正而立己不正恐其不
能相之疏注隱見至相之○何意以國人既可背正立己則
亦可背正立羣公子故權行即位之禮以靖亂階

也故凡隱之立爲桓立也注凡者凡上所慮二事皆不可故

於是已立欲須桓長大而歸之故曰爲桓立明其本無受國

之心故不書卽位所以起其讓也疏注凡者至不可○舊疏云已若辭立則未知桓

之得立與否是一慮也假使桓得立又恐諸大夫不能相幼

君是二慮也有此二慮皆不可也○注故於至桓立○史記魯世家四十六年惠公卒長庶子息攝當國行君事是爲隱

公又云爲允少故魯人共令息攝故不言卽位○注明其至讓也○穀梁傳公何以不言卽位成公志也焉成之言君之

不取爲公也君之不取爲公何也將以讓桓也○注魯公鄭祭仲是也又王道云魯隱之代桓立祭仲之出忽立突仇牧孔

父荀息之死簡公子目夷不與楚國此其執權存國行正世

之義守惓惓之心春秋嘉義氣焉故皆見之復正之謂也左傳不書卽位攝也漢書王莽傳春秋隱公不言卽位攝也老

然下十一年稱薨同之正諸侯者禮疏引鄭箴膏肓云周公

歸政就臣位而死何得記崩隱公見死於君位不稱薨云何

又發墨守云隱爲攝位周公爲攝政雖但相幼君攝政與攝

位異也隱長又賢何以不宜立注据賢穆公與大夫獲且長以

得立

疏注據賢至得立○文十二年秦伯使遂來聘傳云秦

也注感而自變悔遂霸西戎故因其能聘中國善而與之使
有大夫也今既賢隱公亦宜與立公之大夫故據以為難也
又文十四年晉人納捷莒于邾婁傳曰貴則皆貴矣雖然獲
且也長彼以獲且長春秋與邾婁人以得立今隱公亦長何
故不宜立故又據以難之引此二事一以難立隱之大夫宜
與一以難隱之何以不宜立也注順經文先後述之故先言
賢後言立適以長不以賢立子以貴不以長注適謂適夫人

長也

之子尊無與敵故以齒子謂左右媵及姪娣之子位有貴賤
又防其同時而生故以貴也禮適夫人無子立右媵右媵無
子立左媵左媵無子立適姪娣適姪娣無子立右媵姪娣右
媵姪娣無子立左媵姪娣質家親親先立娣文家尊尊先立
姪適子有孫而死質家親親先立弟文家尊尊先立孫其雙
生也質家據見立先生文家據本意立後生皆所以防愛爭

疏注適謂至以齒○此道立適子禮也以敵解適疊韻爲訓
以匹敵說嫡以無敵解適望文生訓也大雅大明云天位殷
適傳紂居天位而殷之正適是也正以微子紂庶兄箕子勸
帝乙立之帝乙不從帝乙亦以紂爲適所謂不以賢也○注
子謂至貴也○釋名釋親屬云姪姊曰媵媵承也承事嫡也
此以左右媵之外有姪姊彼以媵卽姪姊蓋諸侯一娶九女
媵與姪姊宜別大夫以下則不備也其實同爲承事故姪姊
亦可稱媵也爲其位有貴賤故以貴雖同時生無妨也○注
禮適至左媵姪姊○白虎通嫁娶篇贊家法天尊左文家法
地尊右按彼左右二字當互易蓋贊家尙右文家尙左春秋
從殷之質改周之文常先右也左傳說立庶子之法異是昭
二十六年傳云王后無適則擇立長年鈞以德德鈞以卜王
不立愛公卿無私古之制也周禮疏引何君膏肓云春秋之
義三代異建有適媵以別貴賤有姪姊以廣親疏立適以長
不以賢立子以貴不以長王后無適明尊之敬之義無所卜
筮不以賢者人狀難別嫌有所私故絕其怨望防其覲視今
如左氏言之年鈞以德德鈞以卜人君取賢下必從之焉能
使王不立愛也豈復有卜隱桓之禍皆由是興乃曰古制不
亦謬哉鄭箴之曰立適以長不以賢固立長矣無適而立子
以貴不以長固立貴矣若長鈞貴鈞何以別之故須卜今言
無適則擇立長謂貴鈞而立長也王不得立愛之法年鈞則

令羣臣擊吏萬民而詢之有司以序進而問大眾之口非君所能掩是王不得立愛之法也禮有詢立君卜立君是有卜也示義在此距之言謬失春秋與禮之義矣按鄭氏此箴殊屬勉強左右膝與姪娣貴賤灼然豈復有貴鈞之事即一人而學生自有立雙生子之法既無貴鈞即無長鈞同時而生仍以貴論更何須卜故劉氏逢祿箴膏肓評云文家質家敘膝立子之法雖雙生猶別其先後鄭有長鈞貴鈞之疑知未能升何氏之堂矣周官亦出劉欲何氏所不信不足以難也若楚共王之卜寵子五人豈禮也哉詩召南小星疏云妾之貴者夫人姪娣也即喪服所謂貴臣貴妾也左氏皆言以夫人之姪娣為繼室明其貴也何氏以二膝為貴與禮不合故韓奕箋云獨言娣舉其貴者是姪娣貴於膝之義按喪服之貴妾自是士禮不得引以證諸侯何者大夫於庶母無服不得反為貴妾總且大夫絕緦也韓奕詩述韓姑所從自應止云諸娣不得遠及二膝不足以見貴姪娣而賤二膝也左氏繼室兩見一聲子一晉少姜衰世之事均不足據況諸侯絕旁期而左氏言晉平公為少姜服緦經是何訓乎且何氏多道春秋之制所以為後王法者不必盡皆當時典禮也孔氏之說慎矣○注質家至立姪○禮記曲禮云士不名家相長妾疏引熊氏說云士有一妻二妾言長妾者當為娣也故鄭注昏禮云娣尊姪卑蓋皆據質家言之也曲禮又云公侯有夫人有世婦有妻疏以為有世婦者謂夫人之姪娣故公羊

云夫人無子立姪娣子也質家先立姪之子文家先立娣之
子左氏亦夫人姪娣貴於二媵則此世婦者謂夫人姪娣也
有妻者謂二媵及姪娣也按正義所引公羊說全與何義垂
何氏明云適夫人無子立二媵子彼乃云公羊云適夫人無
子立適姪娣子顯與違矣夫一國往娶二國媵之所以示尊
崇和好則降於適一等足矣復令其降之適姪娣之下豈人
情哉通義云何氏說立姪而尊尊者尊兄以及其子也然士
昏禮婦徹于房中媵御餽雖無娣媵先注曰娣尊姪卑若或
無娣猶先媵客之也詩曰韓侯取妻諸娣從之鄭箋以爲媵
必姪娣從之獨言娣者舉其貴者依此二文皆周人之法文
家先姪容失其實按詩禮或於姪娣科舉其一適舉娣言之
耳注適子至立孫○繁露三代改制云主天法質而王其
道佚陽親親而多質愛故立嗣子子篤母弟主地法文而王
其道進陰尊尊而多禮文故立嗣子子孫篤世子又云商賢者
主天夏文者主地春秋者主主人主天法商而王其道佚陽親
親而多仁樸故立嗣子子篤母弟主地法夏而王其道進陰
尊尊而多義節故立嗣與孫篤世子又云主天法質而王其
道佚陽親親而多質愛故立嗣子子篤母弟按主天上脫春
秋二字也故成十五年疏引異義公羊說云質家立世子弟
文家立世子子而春秋從質故得立其弟若然禮記檀弓曰
仲子舍其孫而立其子子游問諸孔子孔子曰立孫者蓋掘
當時周禮言也北齊書刁柔傳時議者以爲立五等爵邑承

喪者無適子立適孫無適孫立適子弟無適子弟立適子孫
弟柔以爲無適孫應立適會孫不應立適子弟議曰柔按禮
立適以長故謂長子爲適子適子死以適子之子爲適孫死
則曾元亦然然則適子之名本爲傳重故喪服曰庶子不爲
長子三年不繼祖與禰也禮記公儀仲子之喪檀弓曰何居
我未之前聞也仲子舍其孫而立其弟何也子服伯弓曰仲
子亦猶行古之道也昔者文王舍伯邑考而立武王發微子
舍其孫奭而立衍仲子亦猶行古之道也鄭注曰仲子爲親
者諱耳立衍非也文王之立武王權也微子適子死立其弟
衍殷禮也子游問諸孔子孔子曰否立孫洵曰据周禮然則
商以適子死立適子之母弟周以適子死立適子之子爲適
孫故春秋公羊之義適子有孫而死質家親親先立弟文家
尊尊先立孫喪服云爲父後者爲出母無服小記云祖父卒
而後爲祖母後者三年爲出母無服喪者不祭故也爲祖母
三年者大宗傳重故也今議以適子孫死而立適子母弟適
子母弟者則爲父後矣適子母弟本非承適以無適故得爲
父後則適孫之弟理亦得爲父後則是父卒然後爲祖後者
三年旣得爲祖服斬而不得爲傳重者未之聞也若用商家
親親之義本不應適子死而立適孫若從周家尊尊之文豈
宜舍其孫而立其弟或文或質愚用惑焉孔叢子雜訓云子
思曰般人質而尊其尊故立弟周人文而視其親故立子文
質不同其禮則異文王舍適立次權也又云唯聖立聖其文

王乎不及文王者則各賢其所愛不殊於適何以限之亦卽防愛憎意也按明乎文王從權之故則明祖立孫之舉爲物古不化所以敬靖難之禍然文王猶殷之諸侯舍孫立子其猶殷制與史記梁孝王世家袁盎等曰周道太子死立適孫殷道太子死立其弟白虎通封公侯云繼世諸侯無子又無弟但有諸父庶兄當誰與與庶兄推親之序也以庶公得繼閔公也蓋繼世諸侯當立子無子立弟無弟立庶兄當指質家言之春秋之義也○注其雙至愛爭○方言三陳楚之間凡人習乳而雙產謂之旌孳秦晉之間謂之鍾子自闕而東趙魏之間謂之孿生西京雜記霍將軍妻一產二子疑所爲兄弟或曰前生爲兄後生爲弟或曰居上者宜爲兄居下者宜爲弟居下者前生爲兄今宜以前生爲弟霍光曰昔殷王祖甲一產二子曰囂曰良以則曰生囂以已曰生良則以囂爲兄以良爲弟若以在上者爲兄囂亦當爲弟昔許釐莊公一產二女曰妖曰茂楚大夫唐勒一產二子一男一女男曰貞夫女曰瓊華皆以先生爲長近代鄭昌時文長倩並生二男滕公一生二女李黎生一男一女並以前生爲長霍氏亦以前生爲兄焉是据見與据本意二語前漢猶有致疑彼時文質道喪故無有正之者焉後桓何以貴注据俱公子也母貴也世則一以前生爲兄矣

注据桓母右媵疏

据桓母右媵○既云貴母貴則子何以貴

宜右媵何以意言之也

注據俱言公以子以母貴注

以母秩次立也

疏

魏志注引典略載公孫瓚

表袁紹罪狀曰春秋之義子以母貴紹母親為婢使紹實微

賤不可以為人後以義不宜乃據豐隆之重任忝行王爵損

辱袁宗紹罪九也又見本傳按春秋之義自謂子之貴母以

賤以母為序故注云以母秩次當立不必如贊所云也母以

子貴注禮妾子立則母得為夫人夫人成風是也疏漢書哀

帝紀紹曰春秋母以子貴又孝景王皇后傳大行奏事文曰子以母

貴母以子貴後漢書梁竦傳張酺曰春秋之義母以子貴又

到惲傳春秋之義母以子貴皆本此為說也○注禮妾至是

也○文四年冬夫人風氏薨五年三月葬我小君成風是也

通典引異義妾母之子為君得尊其母為夫人否春秋公羊

說妾子立為君母得稱夫人故上堂稱妾屈於適下堂稱夫

人尊行國家父母者子之天也子不得爵命父母則士庶起

為人君母亦不稱夫人至於妾子為君爵其母者以妾本接

事尊者也有所因也穀梁說魯僖公立妾母成風為夫人人

宗廟是子而爵母也以妾為妻非禮也古春秋左氏說成風

得立為夫人母以子貴禮也謹按尚書舜為天子簪履為土

明起於匹庶者子不得爵命父母也至於魯僖公本妾子尊

母成風為小君經無譏文公羊左氏義是也鄭駁之曰禮喪

服父為長子三年以將傳重故也眾子則為之周明無二適

也女君卒貴妾擬其事耳不得復立爲夫人魯僖公妾母爲
夫人者乃緣莊公夫人哀姜有殺子般閔公之罪應貶故也
近漢呂后殺戚夫人及庶子趙王不仁廢不得配食文帝更
尊其母薄后非其比耶妾子立者得尊其母禮未之聞也則
鄭用穀梁家說舊書禮志哀帝卽位欲尊崇章皇太妃恒溫
議宜稱太夫人尙書僕射江綈曰當春秋時庶子承國其母
得爲夫人不審直子命母耶故當告於宗廟以先君之命命
之耶竊見詔書常臨軒拜授貴人爲皇太妃今稱皇帝冊命
一貴人斯則子爵母也貴人北面拜受斯則母臣子也天尊
地卑名位定矣母貴子賤人倫序矣雖欲加崇貴人而實卑
之欲顯明國典而實廢之且人主舉動史必書之如當載之
方策以示後世乃不順乎通典七十二引庾蔚之謂公羊
母以子貴者明貴賤若無適子則妾之子爲先立又子旣
得立則母隨之貴豈謂可與適同耶成風稱夫人非禮之正
解詁箋云不書卽位者臣父夫子夫婦兄弟之道立矣經曰
于太廟用致夫人穀梁子曰用者不宜用者也致者不宜致
者也言夫人而不以氏姓非夫人也立妾之辭也非正也夫
人之我可不夫人之乎夫人卒葬之我可不夫人卒葬之乎
一則以宗廟臨之而後貶焉一則以外之弗夫人而見正焉
經曰僖公成風穀梁子曰秦人弗夫人也卽外之弗夫人而
見正焉經曰惠公仲子穀梁子曰母以子氏仲子者何惠公
之母孝公之妾也經曰考仲子之宮穀梁子曰禮庶子爲君

爲其母築宮使公子主其祭也於子祭於孫止仲子者惠公之母隱係而修之非隱也經曰秋七月壬申弋氏卒辛巳葬定弋卽哀之未成君而見正焉春秋之辨名如此禮宗子雖七十無無主婦謂大夫得再娶也天子諸侯不再娶有宗廟之事以貴者攝之故禮有攝女君然而曰君之母非夫人則羣臣無服邦人稱之曰君之母稱諸異邦曰寡君之母大夫以下妾有貴賤服有升降而已以明辨也所謂不得與民變革者也漢世妃匹不正建儲立后皆以愛憎墮其禮防因秦稱號且配廟食公羊經師欲其說之行則於傳文子以母貴下增之曰母以子貴夫子既可以貴其母何必云子以母貴乎且是子尊得加於父母也舜不王賤禹不王鯀正也商追元王周追太王皆以義起非古也不勝其敝矣春秋正其詞曰齊侯送姜氏曰紀季姜歸于京師傳曰葬從死者祭從生者古志也公羊經師曲學阿世而猶存正誼以示其說之不得已故其歸入之傳灼然其爲說亦必以適母在卽稱夫人紆緇其辭又以士庶爲人君母亦不得稱夫人子不得爵命父母自破其例其意微而顯也莊公夫人受誅不廟食可也成風廟食不可也於事成風之立又不緣廟食也黜呂立薄昉於東漢非孝文也太史公書稱孝文太后崩母以子氏知董生春秋之義師法不廢而今董生書猶以文質異法解之其爲俗師竄改無疑矣今按劉說非是喪服經曰公妾大夫之妾爲其子傳曰何以期也妾不得體君爲其子得遂也注

此言二年不得從于女君尊降其子也女君與君一體唯為
長子三年其餘以尊降之與妾子同也然則女君與君一體
故服制一與君同妾不得體君得為其子遂正母以子貴之
誼所以齊衰三月章父卒則為母庶子為後當得伸其私恩
萬氏斯大儀禮商云齊衰三年首言父卒則為母下卽繼母
慈母因知妾子之為其母當與此同經不言者包於父卒則
為母中也惠氏士奇春秋說云易象陰係于陽春秋母係于
子故母以子氏其名正矣鼎之爻辭曰得妾以其子尤咎此
之謂也凌氏廷堪禮經釋例云齊衰期章父在為母此言適
母也父在則服齊衰期大功九月章大夫之庶子為母注大
夫之庶子則父在也為母謂妾子也總麻三月章庶子為後
者為其母此言庶子為後為其所生母也父在服總又大功
九月章公之庶昆弟為母注公之庶昆弟則父卒也此言諸
侯庶子不為父後者父卒亦為其所生母大功若為後之庶子
父卒為母並得伸三年也何以知之慈母如母慈母亦父妾
也非其所生向為之三年所生母得三年明矣按儀禮喪服
章明有庶子為父後者為其母總然則周法庶子為後者無
論天子至士皆服總未必盡伸三年之服春秋時容或有行
重服者故禮記服問曰君之母非夫人則羣臣無服唯近臣
及僕驂乘從服唯君所服服也注妾先臣所不服也禮庶子
為後為其母總言唯君所服服也注妾先臣所不服也禮庶子
之者時若小君在則益不可是鄭不以春秋之義為正也然

傳於下天王使宰嚭來歸惠公仲子之賵曰何以不稱夫人桓未君也於定十五年姒氏卒下曰何以不稱夫人哀未君也於葬定姒曰定姒何以書葬未踰年之君也有子則廟則書葬又下二年夫人子氏薨傳夫人子氏者何隱公之母也何以不書葬成公意也宣八年夫人熊氏薨傳宣公之母也注熊氏楚女宣公即信公妾子皆無譏文蓋不獨成風然也又禮記雜記云妾耐於妾祖姑無妾祖姑則亦耐其昭穆之妾疏引庾蔚之云妾耐於妾祖姑無廟為壇祭之崔靈恩云於廟中為壇祭之又喪服小記云慈母與妾母不世祭也即穀梁家所云禮庶子為君為其母築宮使公子主其祭於子祭於孫止是也是則妾子為君雖不得尊其母如適然必仍妾舊稱使為子者不得伸其私恩亦非所以推孝錫類則異義所載公羊說上堂稱妾屈於適下堂稱夫人尊行國家亦未嘗不仁至義盡也故繁露三代改制云主天法質而王妾以子貴主地法文而王妾不以子稱貴春秋改文從質所以母以子貴必公羊經師所傳劉氏反謂其俗師竄改而牽涉穀梁之說是自亂其家法矣

皇清經解續編卷千百九十

南菁書院

公羊義疏二

句容陳立卓人著

隱元年三月盡五月

三月公及邾婁儀父盟于昧

疏

釋文婁力俱反邾人語聲後曰婁故曰邾婁禮記同左氏穀梁

無婁字顧氏炎武唐韻正邾古音則俱反公羊傳邾婁卽邾字以一字爲二字孟子題詞邾國在孟子時改曰鄒趙氏坦春秋異文箋云謹案列國方言有語聲在後者邾婁是也語聲在前者句吳於越是也卽人名亦然吳子壽夢寺人惠牆伊戾是也公羊多齊言故邾作邾婁杜云邾今魯國鄒縣是也說文邑部鄒魯縣古邾婁國帝顓頊之後所封段氏玉裁說文注云魯國鄒二志同周時或云鄒或云邾婁者語言緩急之殊也周時作鄒漢時作騶古今字之異也左穀作邾公羊作邾婁邾婁之合聲爲鄒孟子國語作鄒三者鄒爲正邾則省文漢時縣名作騶如韓勅碑陰騶韋仲卿足證鄭語曰曹姓鄒莒韋云陸終第五子曰安爲曹姓封於鄒杜譜云邾曹姓顓頊之後有六終產六子其第五子曰安邾卽安之後也周武王時封其苗裔俠爲附庸居邾前志曰騶故邾國曹姓二十九世爲楚所滅按左傳顓頊有子曰黎爲祝融祝

融之後八姓姪曹其二也然則上云鄒祝融之後姪姓所封
此云帝顓頊之後互文錯見也今山東兗州府鄒縣東南二
十六里有古邾城趙氏岐曰邾本春秋時邾子之國至孟子
時改曰鄒此未知其始本名邾也周氏廣業孟子出處時地
考云邾有二皆顓頊後所封國一早著於幽王之世國語史
伯謂鄭桓公曰當成周者東有齊魯曹宋滕薛鄒莒又曰黎
爲高辛氏火正命曰祝融其後以姓存者姪姓鄒檜路偃陽
曹姓鄒莒皆爲采衛此鄒入春秋不復見唯晏子載景公爲
鄒之長塗晏子諫爲息疑爲齊所滅漢志濟南郡有鄒平梁
鄒二縣水經注謂鄒平古侯國舜後姚姓蓋卽今濟南府鄒
平縣地也其一卽邾大戴記顓頊子老童產重黎及吳回吳
回產陸終陸終六子其子曰安是爲曹姓曹姓者邾鄒縣北
嶧山是也漢志屬魯國今爲兗州府鄒縣其改邾爲鄒齊乘
謂始文公但遷釋在魯文公十三年而終春秋不聞有鄒至
戰國更無邾名故趙氏以爲至孟子時改也藝文類聚引劉
普驪山記云驪山古之驪陽魯穆公改爲驪徐鉉說說文亦
云魯穆公改邾爲鄒改名不應出魯或譌鄒穆公爲魯穆公
耳按邾婁之合音爲鄒不關更改段說是也趙氏孟子題詞
云國近魯後爲魯所并哀公七年左傳云魯擊柝聞于邾故
春秋時會盟征伐之事魯與邾特多焉昧闕本毛本監本唐
石經作昧釋文昧亡結反則作昧从末是也左氏作蔑校勘
記段云說文昧从日未聲與从目未聲之字有別昧與蔑古

音同石經考文提要亦云宋景德本鄂州本泮宮書本皆作昧杜云茂姑茂魯魯地魯國卞縣南有姑茂城顧氏棟高春秋大事表茂姑茂二名魯國卞縣南有姑茂城顧氏棟高春秋大事表云在今兗州府泗水縣東北四十五里定二十年費人攻公仲尼命申句須樂頤下伐之費人北國人追之敗諸姑茂卽此水經注泗水篇泗水出魯卞縣北山南有姑茂城春秋隱元年公及邾儀父盟于茂是也惠氏棟左傳補注茂本姑茂定十二年傳費人北國人追之敗諸姑茂是也隱公名息姑而當時史官爲之諱猶定公名宋哀十四傳宗人費夏曰孝惠取于商不云宋也古人舍故諱新故哀爲定諱定不爲隱諱汲郡古文云魯隱公及邾莊公盟于姑茂魏史不爲魯諱則此經爲魯諱明矣

及者何與也注若曰與邾婁盟也疏爾雅釋詁云及與也詩

死氓及爾偕老會及暨皆與也注都解經上會及暨也疏爾

箋並云及與也說文解部與黨與也禮檀弓論語鄭注並釋詁逮及暨與也說文解部與黨與也禮檀弓論語鄭注並

云與及也書堯典汝羲暨和傳暨與也左傳宣七年凡師出與謀曰及不與謀曰會是會及義近故皆有與義也○注都

解至暨也○都猶言總也曹丕與吳質書頃選遺文都爲一集是也民人所聚曷爲或言會或言及或言暨疏舊疏云或

下六年公會齊侯盟于艾之徒是也或言暨者昭七年暨齊
平定十年宋公之弟長暨仲佗石彊出奔陳是也或言及此
經是會猶最也注最聚也直自若平時聚會無他深淺意也

最之爲言聚若今聚民爲投最疏注最聚也○玉篇最聚也

也史記周勃世家索隱最都凡也王氏念孫廣雅疏證云說
文贅最也公羊會猶最也何注最聚也漢武紀毋贅最如涓
注贅最也會最聚並同義王氏引之經義述聞云釋文最字
無音家大人曰正文及注最字皆當作最音才句反最與聚
聲義皆同故曰最之爲言聚也說文最積也从一取取亦聲
徐鍇曰古以爲聚物之聚世人多見最少見最故書傳最字
皆譌作最禮記樂記會以聚眾鄭注聚或作最今已譌作最
管子禁藏篇冬收五藏最萬物地數篇民舉所最粟以避重
泉之戍尹注皆云最聚也莊子德充符篇物何爲最之哉司
馬彪注曰最聚也荀子彊國篇執拘則最韓詩外傳作執拘
則聚趙策顏最史記廉頗藺相如傳作顏聚史記股本紀大
最樂戲于沙丘徐廣曰最一作聚周紀則固有聚以收齊徐
廣曰最一作聚鵬鳥賦憂喜聚門兮李善曰或作最亦聚也
小爾雅聚聚叢也今本最皆譌作最此傳釋文不爲最字作
音則唐初已誤爲最不始於開成石經矣胡氏承珙小爾雅
義證云最當以說文作最說文取積也最犯取也本二義後

人多混取爲最取字遂廢蓋取本有聚義故叢亦通作取史
記功臣年表裴侯孔叢索隱引家語作最是也此最亦當作
取文選西征賦注引字林云叢聚貌叢與取同○注直自至
意也○深淺意者謂如及爲我欲之有汲汲義是爲深既爲
不得已是爲淺下注所云善重惡深善輕惡淺是也○會無此
二義故直若平時聚會也○注若今至投最○此以漢語況
之及猶汲汲也疏通義云及之爲言恐弗及也汲汲者急辭
也男女得以及時也卽汲汲速時之義故彼疏引此傳文解之
也廣雅釋言及速也卽荀子儒效篇注及繼也繼與連皆有汲
汲之暨猶暨暨也疏爾雅釋言云暨不及也經義述聞云傳
意蓋涉下文意不遜也而衍釋詰曰逮及暨與也釋言曰逮及
也此曰暨及也皆是轉相爲訓傳注訓暨爲及卽本之爾雅
加一不字則義不可通郭曰公羊傳曰及我欲之暨不得已
暨不得已是不及此又曲說之不可通者按及與暨散文
通對文異此暨與及對若卽訓及何深淺之分故傳云暨暨
正是不得已之義不得己所以不汲汲故爾雅云重難之辭王
注甚明王氏何反以爲曲說耶通義云暨暨者重難之辭王
藻曰戎容暨暨說文旦部暨曰頗見也段注云頗頭偏也頭
偏則不能全見其面故謂事之略然者曰頗日頗見者見而
不全之也釋言曰暨不及也是其引申之義取部曰息者眾

與詞也引唐書臧泉陶按書禹貢暨魚朔南暨史記夏本紀
及漢書地理志作泉是泉正字也泉之假借多作泊莊子寓
言篇後仕三千鍾不泊文選東京賦于胥斯泊是也又作暨
儀禮士喪禮注引喪大記塗不暨于棺釋文劉本作暨是也
蓋暨暨猶幾幾雅及我欲之暨不得已也注我者謂魯也內
訓所謂不及也

魯故言我舉及暨者明當隨意善惡而原之欲之者善重惡

深不得已者善輕惡淺所以原心定罪疏通義云左傳謂公

邾則是盟我欲之故從及文也又宣七年左傳云凡師出與
謀曰及則亦我欲之義也穀梁傳及者何內為志焉爾故上
注云若曰公與邾婁盟也暨不得已與及我欲之相對為義
也邾氏穀行爾雅義疏云釋詁曰及暨與也是暨即及矣又
言不及者郭引公羊傳釋云暨不得已是不及及上脫不字即或
自馬賦及文賦注並引爾雅作暨及也或及上脫不字即或
所引即釋詁文蓋暨之一字包及與不及兩義也穀梁昭七
年傳以外及內曰暨對及為我欲是亦不得已之義也○注
我者至言我○漢書蕭望之傳聖王之制施德行禮先京師
而後諸夏說苑指武云春秋先京師而後諸侯春秋假魯為
京師故內魯言我也繁露奉本云當此之時魯無鄙疆諸侯
之伐哀者皆言我明所見之世魯愈微而春秋之化愈廣哀

八年之吳伐我十年之齊國書帥師伐我皆不言西鄙北鄙
以見化及天下不言鄙疆明魯之王化所及遠也舊疏云此
通內外皆然但傳據內言之故言我謂魯也○注舉及至原
之○此對會之無他深淺言也○注欲之至惡深○舊疏云
善重者卽此公及邾婁儀父盟于昧是也以其汲汲於善事
惡深者哀十二年公會晉侯及吳子于黃池是也以其汲汲
於惡事○注不得至惡淺○舊疏云善輕則暨齊平是也惡
淺者宋公之弟辰暨仲佗石彊是也○注所以原心定罪○
凌先生曙公羊問答云問何以云原心定罪也○注曰桓寬曰春
秋治獄論心定罪志善而違於法者免志惡而合於法者誅
漢書霍傳曰春秋之義原情定罪過赦事誅意故許止雖執
君而不罪趙盾以縱賊而見書此仲尼所以垂王法而漢世
所宜遵前修也按漢書王嘉傳云聖王斷獄必先原心定罪
探意立情又薛宣傳春秋之義原心定罪後漢書應劭傳若
乃小大以情原心定罪此爲求生非謂代死可以生也繁露
正貫云論罪源深淺定罪法誅然後絕屬之分別矣鹽鐵論
聖云春秋原罪繁露精華云春秋之德獄也必本其事而原
其志志邪者不待成首惡者罪特重本直者其論輕是故逢
丑父當斮而轅濤塗不宜執魯季子追慶父而吳季子釋闔
廬此四者罪同異論其本殊也俱欺三軍而或死或不死俱
弑君或誅或不誅聽訟折獄可儀父者何邾婁之君也注以
無審耶卽原心定罪之義也

言公及不諱知為君也疏左傳疏引杜氏世族譜邾曹姓顓

武王封其苗裔俠為附庸居邾自安至儀父十二世始見春秋陳氏樹華春秋內傳考證云漢書邾陽傳引作義父師占

日義讀為儀○注以言至君也○舊疏云凡春秋公與外大夫盟皆諱不言公故莊二十二年及齊高後盟于防傅公則

為不言公諱與大夫盟也之屬今此不沒公故知是君矣其莊九年書公及齊大夫盟于薛者彼傳云公曷為與大夫

盟齊無君也然則何以不名諱與大夫盟何以名注據齊侯也使若眾然注鄰國之臣猶吾臣也是也何以名注據齊侯

以祿父為名疏校勘記云鄂本以下同唐石經作何以不名按此設為問答之詞此問何以名故下答之

曰非名也字也若作何以不名則與下曷為稱字意複此下字也一句為贅矣注云據齊侯以祿父為名故疑儀父亦名

則何休本無不字按何注據齊侯以祿父為名疏云是言齊侯經名上有不字疑邾婁君亦以儀父為名注疏本皆無字也

以祿父為名故疑邾婁君亦以儀父為名注疏本皆無字也

不字○注據齊至為名○桓十四年齊侯祿父卒是也

注以當衰知為字疏新受命而主儀父慕之故知當衰也穀

梁傳儀字也父猶傳也男子之美稱也莊二十五年陳侯使

女叔來聘左傳嘉之故不名禮記郊特牲曰冠而字之敬其

名也是字 易為稱字 注據諸侯當稱爵 疏 舊疏云六年夏公
為襄也 屬是 襄之也 注以宿與微者盟書卒知與公盟當襄之有土
也

嘉之日襄無土建國曰封稱字所以為襄之者儀父本在春

秋前失爵在名例爾 疏 注以宿至襄之 下云及宋人盟于

亥宿男卒 注宿本小國不當卒所以卒而日者春秋王魯以

隱公為始受命王宿男先與隱公交接故卒襄之也以所傳

聞之世微國之卒本不合書宿男今變例書卒見恩為其與

我微者盟故與微者盟功薄故不名不書葬從小國例今邪

婁儀父與公盟故當襄也 注有土至日封 舊疏云有土

嘉之日襄者謂加爵與字即儀父滕侯之屬是也無土建國

曰封者即封邢衛之屬是也通義云襄者天子有慶於諸侯

加地進律之名禮有襄衣是也春秋假天子之事設七等之

科所善者進其號所惡者降其秩君子雖有其德苟無其位

諸侯大夫之功罪非匹夫所得而議焉是故以文王之法臨

之而黜陟焉孟子曰詩亡然後春秋作詩有美刺春秋有褒

貶其義一也然則封者實事襄者春秋子奪之稱亦以有有

士嘉之例故春秋即假以進退當時焉 注稱字至例爾

○莊十年傳名不若字字不若子子者爵也失爵則稱名進

公羊義疏二

之故稱字僖二十九年春介葛盧來傳介葛盧者何夷狄之君也注介者國也葛盧者名也進稱名者能慕中國朝賢君明當扶勉以禮義明中國大爵者稱名夷狄稱人僖三十年介人侵蕭是也進之乃同乎中國無爵者稱名也邾婁所以失爵者春秋前周室猶未大衰政令尚行於諸侯邾婁或有過失被黜如孟子告子下所云不朝則貶其爵禮記王制所云宗廟有不順者爲不孝不孝者君細以爵是也穀梁傳邾之上古微末爵命于周左傳云宋王命故不書爵皆與何氏曷爲寢之注据功不見疏注据功不見○釋文見賢徧反爲其與公盟也注爲其始與公盟盟者殺生歃血詛命相誓

以盟約束也傳不足言託始者儀父比宿滕薛最在前嫌獨

爲儀父發始下三國意不見故願之疏

注爲其始與公盟○通義云春秋內魯與

內接者託始于此隱公之賢讓邾婁之君能親賢慕義講信修睦於法當褒也左疏引賈服云儀父嘉隱公有至孝謙讓之義而與結好故貴而字之善其慕義說讓亦取公羊爲說舊疏引春秋說云襄儀父善趣聖是也○注盟者至來也○說文盟部盟周禮曰國有疑則盟諸侯再相與會十二歲一盟北面詔天之司慎司命盟殺牲歃血朱榮玉敦以立牛耳

禮記曲禮云約信曰誓游牲曰盟周禮王府云若合諸侯則其珠槃玉敦注合諸侯者必割牛耳取其血歃之以盟朱槃以盛牛耳尸盟者執之玉敦歃血玉器又戎右云盟則以玉敦辟盟遂役之贊牛耳桃茢又秋官序官司盟注盟以約辭告神殺牲歃血著其信也又司盟云掌盟載之法凡邦國有疑會同則掌其盟約之載及其禮儀北而詔明神既盟則貳之注載盟辭也盟者書其辭於策殺牲取血坎其牲加書於上而埋之謂之載書有疑不協也明神神之明察者謂日月山川也覲禮加方明于壇上所以依之也又云盟萬民之犯命者詛其不信者亦如之注盟詛者欲相與共惡之也犯命犯君教令也不信違約者也詩何人斯疏云鄭駁異義云詩說及鄭伯使卒及行所出皆謂詛爾小於盟也周禮戎右職云若盟則以玉敦辟盟遂役之贊牛耳桃茢哀十七年左傳孟武伯問於高柴曰諸侯盟誰執牛耳然則盟者人君用牛伯姬盟孔淫用殺下人君牲是盟用牛也此謂大事正禮所常用者耳若臨時假用其禮者不必有牲左傳孟任割臂以盟莊公華元入楚師登子反之牀子反懼而與之盟皆無牲也左疏云凡天子之盟諸侯十二歲於方岳之下故傳云再會而盟以顯昭明若王不巡守及諸侯有事朝王卽時見曰會殷見曰同亦爲盟禮其盟之法按覲禮爲壇十二尋深四尺加方明于其上方明者木也方四尺設六玉上圭下璧南方壇西方琥北方璜東方圭朝諸侯于壇訖乃加方明于壇

而視之列諸侯于庭玉府供珠槃玉敦戎右以玉敦辟盟贊
牛耳桃茢司盟北面詔告於明神諸侯以次歃血鄭注觀禮
云王之盟其神主曰王官之伯盟其神主月諸侯之盟其神
主山川是盟禮之略也諸侯盟亦有壇柯之盟公羊傳稱曹
子以手劍桓公于壇上是也其盟神無定襄十一年傳稱
司慎司盟名山川羣神羣祀先王先公七姓十二國之祖
是也其盟用牛牲哀十七年諸侯盟誰執牛耳是也其殺牛
必取血及耳以手執玉敦之血進之於口定八年涉扞接衛
侯之手及腕又襄九年與大國盟口血未乾是也既盟之後
牲及餘血并盟載之書加於牲上坎而埋之僖二十五年背
坎血加書是也春秋之書加於牲上坎而埋之僖二十五年背
大國制其言小國尸其事官雖小異禮則大同故釋例曰盟
者殺牲載其書大國制其言小國尸其事官雖小異禮則大同
而同故是其事也按荀子大略云盟詛不及三王下二年注
云凡書會者惡其虛內務持外好也會無美詞盟則可知詳
下注○注傳不至願之○校勘記云言字當誤衍下注云傳
不足託始可證毛本下作于舊疏云此傳應言為其始與公
盟今不具其文言始者若言始與公盟即恐下三國不是始
是以顧之不得具其文按託始者言與公盟者眾矣曷為獨
隱公實非受命王但託之以為始耳

襄乎此

注据戎齊侯莒人皆與公盟傳不足託始故復据眾

也疏

注據戎至公盟○下二年秋公及戎盟于唐六年夏公會齊侯盟于艾八年秋公及莒人盟于包來是也○注

傳不至眾也○上傳若云始與公盟其義自明傳既不因其言託始於儀父則襄義不見故復據眾盟以難襄也

可襄者而襄之注春秋王魯託隱公以爲始受命王因儀父

先與隱公盟可假以見襄賞之法故云爾疏

風俗通過警十反皆云春秋之

義因其可襄而襄之用公羊義也○注春秋至云爾○繁露

王道云諸侯來朝者得襄邾婁儀父稱字膝辭稱侯荆稱人

介葛盧得名內出言如諸侯來曰朝大夫來曰聘王道之意

也是皆託王於魯故別外內以立王道襄賞之法託隱公爲

春秋之始受命王儀父先與盟故假以爲賞有功漢書師丹

傳云夫襄有德賞元功先聖之制百王不易之道也繁露三

代改制云春秋作新王之事變周之制當正黑統而殷周爲

王者之後紂夏改號禹謂之帝錄其後以小國故曰紂夏存

周以春秋當新王不以杞侯弗同王者之後也稱子又稱伯

何見殊之小國也皆言王魯之義也惠氏棟九經古義云論

語吾其爲東周乎何晏注云興周道於東方故曰東周此與

公羊黜周王魯之說合宋本託作記校勘記云閩監本同誤

也鄂本作正此其爲可襄奈何漸進也注漸者物事之端先見

託當據正此其爲可襄奈何漸進也注漸者物事之端先見

之辭去惡就善曰進譬若隱公受命而王諸侯有倡始先歸之者當進而封之以率其後不言先者亦爲所褒者法明當

積漸深知聖德灼然之後乃往不可造次陷於不義疏繁露

云隕石于宋五六鵠退飛或徐或察皆以先接於我者序之其於會盟朝聘之禮亦猶是諸侯與盟者眾矣而儀父獨漸進鄭僖公方來會我而道殺春秋致其意謂之如會通義云繁露曰氏不若人人不若名名不若字凡四等命曰附庸字者方三十里名者方二十里人氏者方十五里邾婁于桓之篇稱人傳曰夷狄之於此稱字傳曰襄之進退相較明儀父本在名等春秋字之若加封使從三十里國也然非有所因則衰文爲空設其後儀父至莊公之世實得王命爲諸侯故因其有將進之漸而褒之若曰苟以文王之法治諸夏所封有親賢睦鄰如儀父者其可也邾婁之進自緣他事因而褒之於此則春秋之新義春秋皆假事以託義者也得其義則事可略也按左傳但云貴之不言何事見責若如彼傳云公攝位而欲求好於邾則當貴魯矣儀父邾子何貴之有杜預范甯皆以繼好息民結信於魯爲說春秋會盟皆有和好之義何獨於儀父貴之孔疏謂朝事大國則附庸常道結好非附庸所能真稚語也○注漸者至之辭○文選謝靈運游南

亭詩注引廣雅漸稍也易序卦傳漸者進也史記越世家漸
九川徐廣曰漸者引進通達之義也皆與物事之端先見之
辭意近舊疏云物事之端猶言物事之首先是也俞氏懋公羊平
見其二子之見若公子陽生聞然之類是也俞氏懋公羊平
議云如何說以漸進為倡始先歸則止是喪其始與公盟耳
凡始與公盟者皆得喪之非所謂因其可喪而喪之也又曰
明當積漸深知聖德則并與前說岐矣今按公羊家有七等
之說州不若國國不若氏氏不若人人不若名名不若字字
不若子子不若妻妻不若父父不若書書不若名名不若字字
若鄉婁本當書字進而書子則其進也太驟矣非漸進之義
也故與公盟者雖眾而獨喪鄉婁儀父者取其適在書名之
等也斯謂因其可喪而喪之矣○注去惡至曰進○文選東
京賦因進距衰辭注進善也禮記樂記禮減而進注進謂自
勉強也國語晉語夫事君者量力而進注進進取也自勉進
取皆有就善之意就善曰進因謂進為善矣劉氏逢祿論語
述何說論語與其進也不與其退也云春秋註王於魯原非以
者與之退則因而貶之亦此義也○注譬若至其後○何云
譬若即傳文託始之義也春秋註王於魯原非以隱公為王
故何云譬若猶斯義也後漢書李固傳云春秋褒儀父以開
義路貶無駭以閉利門夫義路開則利門閉利門開則義路
閉也開義路即何氏進而封之以率其後義也○注不言至
不義○此明傳文言漸進不言先之義也當積漸深知聖德

灼然之後乃往卽漸進之意也繁露觀德云故受命而海內
順之猶眾星之共北辰流水之宗滄海也又云至德以受命
豪英高明之人輻輳歸之謂聖德灼然之後者也云造次陷
於不義者桓十五年邾婁人牟人葛人來朝傳皆何以稱人
夷狄之也注桓公行惡而三人俱朝事之三人爲眾眾足責
故夷狄之又桓七年云穀伯綏來朝鄧侯吾離來朝注不日
者失地之君朝惡人輕也穀鄧失地之君故不深責其朝惡
人非謂穀鄧宜朝也是皆陷於不義者也造次者論語里仁
云造次必於是昧者何地期也注會盟戰皆然地其所期處
亦謂急遽之意

重期也凡書盟者惡之也爲其約誓大甚朋黨深背之生患
禍重胥命於蒲善近正是也君大夫盟例日亞不信也此月
者隱推讓以立邾婁慕義而來相親信故爲小信辭也大信
者時柯之盟是也魯稱公者臣子心所欲尊號其君父公者
五等之爵最尊王者探臣子心欲尊其君父使得稱公故春
秋以臣子書葬者皆稱公于者於也凡以事定地者加于例

以地定事者不加于例

疏

通義云兩君相見所期之地也於此發傳後言于某者從可知也穀

梁傳昧地名也通義又云孫覺曰隱之出皆不致隱志讓乎桓不敢常正君之禮聖人本其意而略之也按桓二年公至自唐注云致者君子疾賢者失其所不肖者反以相親榮故與隱相違也明前隱與戎盟雖不信猶可安也今桓與戎盟雖信猶可危也然則隱之不書至正以隱為賢君無可危故也孫氏之言猶泥於杜預春秋者魯史記之名一語○注會盟至期也○釋文出其處二字校勘記陸本蓋作會盟戰皆錄其處重期也盧文弨曰據注當作期處此其字譌會錄地者下二年公會戎于潛之屬是也盟錄地者此之屬是也戰錄地者桓十七年及齊師戰于奚之屬是也重期故會盟有大信時小信月不信日戰有詐戰偏戰之異也○注凡書至禍重○詩巧言云君子屢盟亂是用長傳凡國有疑會同則用盟而相要也箋云盟之所以數者由世衰亂多相背違時見曰會殷見曰同非此時而盟謂之數按下二年傳注於會已惡其虛內恃外則惡盟為尤深通義云大道既隱降而有詛誓周公致治太平猶設司盟之官春秋撥亂世約信故盟者春秋所不惡惡其渝盟者渝盟例曰按盟會者春秋之所惡故桓三年傳曰古者不盟穀梁傳曰相命而信諭謹言而退又曰盟詛不及三王也司盟之官見之周禮何氏所不取舊疏云此言與公盟而得褒何言惡者直善其慕新王之義

而得襄豈善其盟乎是也注云朋黨深背之生患禍重則視
會之虛內務恃外好為甚矣○注胥命至是也○桓三年齊
侯衛侯胥命于蒲傳胥命者何相命也何言乎相命近正也
此其為近正奈何古者不盟結言而退穀梁傳以是為近古
也左傳但云不盟無襄辭則左氏並不知胥命之善矣○注
君大至信也○舊疏云君大夫盟日皆是惡不信下二年秋
八月庚辰公及戎盟于唐文八年冬十月壬午公子遂會晉
趙盾盟于衡雍之屬是也○注此月至辭也○舊疏云儀父
見襄不為大信者下七年公伐邾婁是其背信也功不足錄
但假託以為小善故為小信辭按穀梁傳不日其盟淪也彼
以日為信以不日為變盟與此以時為信月為小信日為不
信者異三傳各有義例不必強同也此以蔑盟本不信例今
書曰徒以慕新王而見予故仍許以小信亦春秋之示法也
○注大信至是也○莊十二年冬公會齊侯盟于柯傳曰桓
公之信著乎天下自柯之盟始也又云桓之盟不日其會不
致信之也是也○注魯稱至稱公○白虎通號篇云伯子男
臣子於其國中襄其君為公王者臣子獨不得襄其君謂之
為帝何以為諸侯有會聚之事相朝聘之道或稱公而尊或
稱伯子男而卑為交接之時不私其臣子之義心俱欲尊其
君父故皆令臣子得稱其君為公也帝王異時無會同之義
故無為同也何以知諸侯得稱公春秋曰葬齊桓公齊侯也
尚書曰公曰嗟秦伯也詩云覃公維私覃子也春秋曰葬許

穆公許男也禮大射經曰公則射獲大射者諸侯之禮也伯
子男皆在也又僞篇云公者加尊二王之後侯者百里之正
爵按臣子尊其君父故春秋於侯伯子男之葬皆稱公王者
探臣子之心故也故桓十四年葬齊僖公桓十年葬曹桓公
之屬是也而桓十七年書葬蔡桓侯者彼注云稱侯者尊臣
子辭有賢弟不能用反疾害之立獻舞國幾并乎蠻荆故賢
季抑桓緣葬者臣子之事蔡桓侯有惡故奪臣子尊稱也○
注于者於也○說文亏部亏於也象氣之舒亏从亏从一一
者其氣平之也詩崧高于邑于謝箋云于於也又采芣云于
沼于汴傳于於也爾雅釋詁于於也經書亦有倒用者詩崧
高四國于蕃四方于宣言蕃于四國宣于四方也廣雅釋詁
於于也輾轉相訓○注凡以至于例○校勘記云舊解云先
約其事加于先在其地不加于此注亦當作加于不加于二
例當爲衍文疏中十行本及閩本二于字下無例字監本毛
本有例字非古也以事定地者舊疏云先約其事乃期于某
處作盟會者加于僖二十八年夏五月盟于踐土之屬是也
以地定事者舊疏云言先在其地乃定盟會之事者不加于
卽莊十九年公子結媵陳人之婦于鄆遂及齊侯宋公盟襄
三年公會單子晉侯以下同盟于雞澤陳侯使袁僑
如會叔孫豹及諸侯之下大夫及陳袁僑盟之屬是也

夏五月鄭伯克段于鄆疏

杜云鄭在滎陽宛陵縣西南宛乃苑
之省文苑陵城在開封府新鄭縣東

北三十八里鄭國都在縣西北左疏引杜譜云鄭姬姓周厲
王子宣王母弟桓公友之後也宣王封友於鄭今京兆鄭縣
是也及幽王無道友遷民於號檜號檜之君分其地遂國焉
今河南新鄭縣是也陸渚三傳經文差繆略云克公羊作剋
按唐石經公羊作克剋音義同爾雅釋詁剋勝也廣韻二
十五德克能也勝也剋殺也急也鄢者大事表云杜注今潁
川鄢陵縣成十六年晉楚戰于鄢陵卽此在今河南開封府
鄢陵縣西南四十里漢書地理志僞下云應劭曰鄭伯克段
于僞是也則又作僞襄字記云鄢城在宋州柘城縣北二十
九里漢縣屬陳留鄭克段之地疑遠陳氏樹華引趙匡集傳
云鄢當作鄢鄭地也史記正義作鄢云舊作鄢漢書地理志
作僞按舊作鄢是也昭二十八年左傳釋文在周者烏戶反
隱十一年王取鄢劉在鄭者音偃成十六年戰于鄢陵此鄭
地當作鄢鄭語史伯曰鄢弊補丹依默歷華君之土也是也
地理志潁川郡有鄢陵當卽此

克之者何注加之者問訓詁并問施于之爲疏爲注加之至之

訓詁者卽不言殺而言克是也所以不言克者何而并言
之者非直問其變殺爲克并欲問其施于鄢之所爲矣而不
答于鄢之意者欲下文復云其地何以難之通義云加之者經
咨于鄢之意故下文復云其地何以難之通義云加之者經

有不克弗克諸文嫌通為克字詰訓殺之也疏書牧誓云弗故問克之者何明獨施於此亦通殺之也疏御克齊鄭注克殺也亦作剋淮南說山訓云至伐大本非斧不剋注剋哉亦殺也爾雅釋詁勝肩勸劉殺克也注轉相訓且引此傳語穀梁傳克者何能殺之則曷為謂之克大鄭伯之惡也注也何能也能殺也

以弗克納大卻缺之善知加克大鄭伯之惡也疏注以弗至

十四年晉人納捷留于邪妻弗克納傳其言弗克納何大其弗克納也是也弗克為大善故克為大惡穀梁傳賤段而甚鄭伯也何甚乎鄭伯甚鄭伯之處心積慮成於殺也注引范雍曰段恃寵驕恣足當國鄭伯不能防閑以禮教訓以道縱成其罪終致大辟處心積思志欲殺弟左傳如二君故曰克稱鄭伯譏失教也謂之鄭志惟左氏以段實未殺故彼疏引服虔云公本欲養成其惡而加誅使不得生出此鄭伯之志意也又引劉炫述義云以克為文非其實狀故傳解之謂之鄭志與公穀殊按漢書杜鄴傳昔鄭伯隨姜氏之欲終有叔段篡國之禍詩將仲子序云刺莊公也不勝其母以害弟弟叔失道而公弗制祭伯誅而公弗聽小不忍以致大亂焉箋云段好勇而無禮公不早為之所而使驕慢皆責鄭伯不能教弟致成篡亂夫使僅僅伐之出奔春秋母弟出者多矣何至加鄭伯以克之稱且段已謀篡鄭伯殺之固不為過所

以大其惡者爲其不早爲教戒釀成大亂曷爲大鄭伯之惡
實爲處心積慮欲殺其弟故也左氏說非

注據晉侯殺其世子申生不加克以大之疏傳五年晉侯殺其世子申生彼

亦惡晉侯無克母欲立之已殺之如勿與而已矣注如卽不
文故據難之

如齊人語也加克者有嫌也段無弟文得君甚之不明又段

當國嫌鄭伯殺之無惡故變殺言克明鄭伯爲人君當如傳

辭不當自己行誅殺使執政大夫當誅之克者詰爲殺亦爲

能惡其能忍戾母而親殺之禮公族有罪有司讞于公公曰

宥之及三宥不對走出公又使人赦之以不及反命公素服

不舉而爲之變如其倫之喪無服親哭之疏左傳及莊公卽位爲之請制公

曰制巖邑也號叔死焉他邑唯命請京使居之祭仲曰今京

不度非制也公曰姜氏欲之焉辟害又曰多行不義必自斃

既而太叔命西鄙北鄙貳於己公子呂曰國不堪貳君將若
之何公曰無庸將自及太叔又收貳以爲己邑至於廢延公

門不義不嘯厚將崩太叔完聚繕甲兵具卒乘將襲鄭夫人將啟之命子封帥車二百乘以伐京京叛太叔段段入于鄆公伐諸鄆皆母欲立之已殺之也言既欲殺之則不如勿與之地以保全之可矣所以大其惡也劉氏逢祿春秋考證云嘗與宋翔鳳校朱彝尊書謂此文稱鄭伯之義殺梁緩追逸賊嚴淺公羊以勿與之地稍進左氏譏失教斯得之矣宋以爲難余曰非也春秋有殺世子母弟目君之例謂視專殺大夫爲重耳若譏失教則晉侯殺世子申生亦失教乎斯不然矣按勿與之地取得其要係疏說非何氏意俞氏憾平義云傳所謂勿與者卽不親殺之謂也蓋使執政大夫秉國法以誅之而已不與焉斯合親親之道矣何休又引禮公族有罪有司讞于公公曰宥之及三宥不對走出公又使人赦之以不及反命蓋正所以證明勿與之義非如疏所云也是也○注如卽至語也○經義述聞云家大人曰如上當有字而寫者脫之桓十四年傳御廩災不如勿嘗而已矣文十六傳先祖爲之已毀之不如勿居而已矣則此亦當云不如勿與而已矣不然同一齊人語何以此言如而彼皆言不如乎何注始不可從讀書叢錄亦云桓十四年傳文十六年傳皆作不如句法相似此當如上脫不字按如卽不如蓋卽毋念也○各本語者下二年疏云胡毋生齊人故知之行文不必一例言克○各本文作又依鄂本正惠氏士奇春秋說云段者鄭

莊之母弟也非徒叔段不弟其實寤生不友故一則曰姜氏
欲之再則曰夫人啟之彼尚不有於母何有於弟親親之仁
絕矣故春秋謹而書之骨肉相殘曰克公穀以爲殺之左氏
以爲難之皆得克之之義是則交貶之矣故注恐段無弟文
但書鄭伯不見甚之之義又段當國宜誅疑鄭伯無貶道故
變殺言克專以惡鄭伯也有嫌者嫌書殺不明故加克文也
○注明鄭至誅之○舊疏云鄭伯爲人君之法當如傳詞不
與其國而已不宜忍戾其母而親殺之其誅之者自是執政
大夫之事按如注意則傳文不與爲不與誅殺事○注克者
至殺之○克又詰爲能者爾雅釋言文穀梁傳克者何能也
何能也能殺也與此傳義合通義云謹案鄭武公夫人愛其
少子段欲立之武公弗許及莊公卽位曲從母意與以京都
之地有徒邑徒眾濟成其逆謀然後從而討之故傳述經意
言莊公誠愛弟不如勿與之地使無所資則不生亂錄月言
克者責鄭伯忍陷弟於罪以戾其母也亦涉於疏說以勿與
爲勿與地穀梁傳又云于鄆遠也猶曰取之其母之懷中而
殺之云爾甚之也卽君戾母而親殺之義也○注禮公至哭
之○此約禮記文王世子文也彼云獄成有司讞于公其死
罪則曰某之罪在大辟公又曰宥之有司又曰在辟及三宥不
之有司又曰在辟公又使人追之曰雖然必赦之有司對曰
走出致刑于甸人公又使人追之曰雖然必赦之有司對曰
無及也反命于公公素服不舉爲之變如其倫之喪無服親

哭之鄭注成平也讞之言白也辟亦罪也宥寬也欲寬其罪
出於刑也又復也對答也先者君言宥則答之以將更寬
之至于三罪定不復答走往刑之爲君之恩無已罪既正不
可宥乃欲赦之重刑殺其類也素服於凶事爲吉於吉事爲
凶非喪服也君雖不服臣卿大夫死則皮弁錫衰以居往弔
當事則弁紼於士蓋疑衰同姓則總衰以弔之今無服者不
往弔也倫謂親疏之比也素服亦皮弁矣不往弔爲位哭之
而已君於臣使有司哭之通典引盧注云變飲食終其月如
其等之喪也又曰公族之罪雖親不以犯有司正衛也所以
體百姓也刑于隱者不與國人慮兄弟也弗弔弗爲服哭于
異姓之廟爲忝祖遠之也素服居外不聽樂私喪之也骨肉
之親無絕也又曰公族其有死罪則磔于甸人其刑罪則殛
刺亦告于甸人鄭注不于市朝隱之也甸人掌郊野之官殛
讀爲鍼鍼刺也刺割也刺割脂墨劓別皆以刀鋸刺割人體
也通典引盧注云公族諸侯同族也郊外曰甸去天子城百
里內也不與國人慮兄弟故繫于甸人也周禮甸師職云王
之同姓有辜則死刑焉又掌囚云凡有爵者與王同族奉而
適甸師氏以待刑殺以甸師在疆場多有屋舍以爲隱處就
而刑之親親之義異乎刑人于市與眾棄之者也故詩東山
云我東曰歸我心西悲傳公族有罪君猶宜曲赦臣下執法猶
變如其倫之喪也此言公族有罪君猶宜曲赦臣下執法猶
素服不舉故孟子盡心瞽瞍殺人之對正卽春秋之義也

段者何鄭伯之弟也注殺母弟故直稱君疏左傳云鄭武公

生莊公及其叔段是段為鄭伯弟也○注殺母至稱君○穀

梁傳何以知其為弟也殺世子母弟直稱君者甚之也注甚之者

弟也僖五年傳云殺世子母弟直稱君者甚之也注甚之者

甚惡殺親親也春秋公子貫於先君唯世子與母弟以今君

錄親親也今舍國體直稱君知以親親責之然則此不曰鄭

克段于鄆猶斯義也若鄭伯無罪則當如莊二十二年陳人

殺其公子御寇之例明人人得而殺之所謂以國討也杜預

云不稱國討而言鄭伯譏失教也不知鄭伯之罪不僅在失

教何以不稱弟注据天王殺其弟年十六稱弟疏弟○襄三十

年云天王殺其弟年夫是也彼傳云書者惡失親親也未三

年不上王者方惡其思慕而殺弟不與子行也則彼以周王

父服未終殺先君之子故直書弟責之亦非年夫無罪也左

氏彼傳云罪在王則與鄭伯同譏矣杜氏釋例謂按夫稱弟

不與反謀則以稱弟為安當國也注欲當國為之君故如其

夫無罪自據左傳為說也

意此如國君氏上鄭所以見段之逆疏通義云當敵也著其

所謂如二君是也杜云以君討臣而用二君之例者殺強大

復繫鄭直言段也

馬傑據大都以耦國所謂得雋曰克也○注欲當至之逆○
校勘記云毛本欲作弟按下注云俱欲當國四年衛州吁弑
其君完傳曷為以國氏當國也段欲當國為君故削去弟稱
而氏上鄭以見其逆也氏上鄭宜如衛州吁齊無知稱鄭段
經無鄭文而曰氏上鄭者正以承上鄭伯明伯與段共此鄭
矣所謂如二君也杜云段不弟故不言弟明鄭伯雖失教而
段亦因逆殺梁傳段弟也而弗謂弟公子也而弗謂公子貶
之也段失子弟之道矣杜氏釋例曰兄而害弟者稱弟以章
兄罪弟又害兄則去弟以罪弟身統論其義兄弟二人交相
殺害如有曲直存弟則示兄曲也鄭伯既失教若依例存弟
則嫌善段故特去其地何注據齊人殺無知不地○
弟兩見其義是也其地何注據齊人殺無知不地○
即莊九年齊人殺無知是當國也齊人殺無知何以不地注
也無知不地故据以難

据俱欲當國也

疏

上傳言問克段于鄆何以書地以當國答

据以為難按莊八年齊無知傳注俱無當國之文此傳云据

俱欲當國明齊無知亦如衛州吁之以國氏矣凡不見者以

此求在內也在內雖當國不地也注其不當國而見殺者當

以殺大夫書無取於地也其當國者殺於國內禍已絕故亦

不地

疏通義云在內謂國都之內統于國故可無更地也知

不地疏在外非謂出境者鄭亦鄭地然則下四年殺州吁下

其大夫某不必陳地矣○注其不至地也○凡春秋所書某殺

屬是也左傳謂亦不當國雖在外亦不地也注明當國者在

外乃地爾爲其將交連鄰國復爲內難故錄其地明當急誅

之不當國雖在外禍輕故不地也月者責臣子不以時討與

殺州吁同例不從討賊辭者主惡以失親親故書之疏注明

地爾○舊疏云下四年九月衛人殺州吁于濮及此是也

注爲其至誅之○昭二十年冬十月宋華亥向甯華定出奔

陳注月者危三大夫同時出奔將爲國家患次年入于宋南

里以畔又成十八年楚子鄭伯伐宋宋魚石復入于彭城襄

元年仲孫蔑會晉欒黶以下圍宋彭城傳云魚石走之楚楚

爲之伐宋取彭城以封魚石是皆大夫有罪外出交連鄰國

復爲內難之事但彼均未受謀故未別當國與否亦無地可

錄也所以諸侯爲宋誅春秋善之而昭二十年特書月以危

之也○注不當至地也○舊疏云昭四年秋七月楚子云云

伐吳執齊慶封殺之昭八年夏楚人執陳行人于徵師殺之

皆是也按昭四年傳云其言執齊慶封何為齊誅也其為齊誅奈何慶封走之吳吳封之于防渚在外然非齊自誅不得引為此例昭八年殺于徵師亦非例于徵師陳大夫傳注未見其有罪與否又楚人所殺其為不當國雖在外禍輕無文以言之且宣十一年疏云正以昭八年夏楚人執陳行人于徵師殺之言執非討賊之文既非討賊更不得援為例矣○注月者至同例○下四年九月衛人殺州吁于濮注云討賊例時此月者久之也殺梁傳范注云段有徒眾攻之為害必深故謹而月之又彼四年云殺祝吁于濮傳云其月謹之也范注討賊例時也衛人不能即討祝吁致令出入自恣故謹其時月所在以著臣子之緩慢其實二經同書月均為責臣子緩慢不以時討州吁以二緩慢具實二經同書月均為責臣范云謹其緩慢此經文無歷時之事不知段之繕甲兵具卒乘自封京時已然應在春秋前已歷有年所臣子不能以時誅尤為緩慢范因經無明文改為段有徒眾為害必深為解何其況耶齊無知雖復歷年時月未久故但書時也宣十一年冬十月楚人殺陳夏徵舒彼陳之臣子力不能討外藉楚于討之而亦書月者昭四年注云月者善義兵則彼月亦宜同也○注不從至書之○舊疏云若作討賊辭當稱人以討如齊人殺無知今不如此者主為惡鄭伯失親親而書故目鄭伯而不稱人也後漢書楊震傳昔鄭嚴公從母氏之欲恣驕弟之情幾至亡國然後加討春秋貶之以為失教漢書宣

帝紀元康二年詔曰蓋聞象有罪舜封之骨肉之親絜而不殊故書鄭伯克以惡失親親也主書者下三年曰有食之傳何以書注諸言何以書者問主書劉氏逢祿公羊釋例云春秋之為道屢遷而其義必有所專主其為文周流空貫不言之眇皆在深察一言之發眾例具舉蓋此經主為惡失親親書故雖與殺州吁殺無知情事相同而書法各異不以討賊律焉